

四書古人典林

四書古人典林卷之四

新安江 永慎修新編

古賢部

按左丘明非傳春秋者  
事無考故不入此部

老彭

好覽古籍

呂氏春秋老彭陸終氏之三子至殷末年  
七百有餘歲而不衰少好恬靜惟以養神

治生爲事及爲大夫稱疾不與政事好觀覽古籍以  
政教大夫以官教士以技教庶人揚則抑抑則揚綴  
以德行不任以言

一云姓錢名鏐

伯夷叔齊

墨胎路史禹封怡是為墨胎湯初析封離支是為孤

之國君姓讓國而逃更記其傳曰伯夷叔齊孤竹君

叔齊讓伯夷伯夷曰父命也遂逃去叔齊亦不肯立

而逃之國人立其申子於是伯夷叔齊聞西昌善養

老盡往諫伐而餓又及西伯卒武王載木主號為文

王東伐紂伯夷叔齊叩馬而諫曰

死不葬爰及干戈可謂孝乎以臣弑君可謂仁乎

在右欲兵之太公曰此義人也扶而去之武王已平

殷亂天下宗周而伯夷叔齊恥之義不食周粟隱於

首陽山采薇而食之及餓且死作歌其辭曰登彼西

山兮采其薇矣以暴易暴兮不知其非矣神農虞夏

忽焉後兮我安適歸矣吁嗟徂兮命之衰矣遂餓死

於首陽山一說伯夷叔齊叩馬而諫武王不聽去

隱於首陽山或告曰汎云在耶父師在夷奄孤竹而

君之以夷煽王燔商可復也伯夷叔齊曰此非吾事也曰然則叩馬而諫何為曰為萬世之君臣也曰然則今何為曰有死耳曰有死而何以采薇為天下周之天下則山亦周山也薇亦周薇也采薇而食無乃欲死而求生乎遂餓而死按舊云汲冢書今汲冢書無此文姑載之莊子伯夷死名於首陽之下非遷鼎左桓二武王克商遷九鼎于雒邑得夫子名益彰史記伯夷叔齊雖賢得夫子而名益彰

### 泰伯虞仲

作邦作對

大雅帝作邦作對自大伯王季帝天

伯不從

左僖五大伯虞仲大王之昭也大伯不從是以不嗣大王子以世次計為昭不從父命

伯夷叔齊

泰伯虞仲

俱適吳仲雍支子別

封西吳虞公其後

季之兄季歷賢而有聖子昌太王欲立季歷以及昌

於是太伯仲雍乃奔荆蠻以立季歷太伯之奔荆蠻

自號句吳荆蠻義之從而歸之千餘家立為吳太伯

太伯卒無子弟仲雍立吳言句者夷之發聲猶言

於越吳越春秋記無端委贏飾左哀七子貢曰犬伯

藥於簡山遂之荆蠻端委贏飾端委以治周禮仲雍

嗣之斷髮交身贏以為飾豈禮也哉有由然也犬

伯仲雍俱適荆蠻遂有民衆仲雍嗣立不能行禮致

化故效吳俗言其權時制宜非以為禮也端委禮衣

按斷髮交身自是吳越之俗猶之蠻俗雕題舊說人

水遭蛟龍害者非是故引杜註削以辟災害字又按

此言太伯端委仲雍贏飾而史記云二人皆文身斷

髮示不可用史遷之疎謬

也奈伯不可用文身事

周任

立言

論語註馬融曰周任古之良史疏周大夫與史佚臧文仲近古人立言之賢者按論語所引

外一見於隱六年傳云為國家者見惡如農夫之務去草焉芟夷蘊崇之絕其本根勿使能殖則善者信矣一見於昭五年傳云為政者不賞私勞不罰私怨一見於家語云民悅其愛者弗可敵也是能立言者又或云商太史則疑盤庚所引遲任有言人無於水鑑當於民鑑恐或是一人耳

夷逸

輕身肆志

備考夷逸隱居不仕輕身肆志或勸之逸曰吾譬則牛也寧服輓以耕於野豈忍被

繡入廟而為犧乎

朱張

子弓論語疏不論朱張之行王弼云朱張字子弓

荀卿以比孔子言其行與孔子同故不論也

按王弼說未確荀卿論大儒兩以仲尼子弓並言亦不足信也荀子說今不錄但存子弓之字耳

柳下惠

魯公族展氏名獲字季禽無駭之後盜跖之兄食邑柳下諡曰惠

犒師受命

左傳二十六齊孝公伐我北鄙公使展喜

犒師使受命于展禽齊侯未入竟展喜從之曰寡君聞君親舉玉趾將辱於敝邑使下臣犒執

事齊侯曰魯人恐乎對曰小人恐矣君子則否齊侯曰室如縣磬野無青草何恃而不恐對曰恃先王之

命昔周公大股肱周室夾輔成王成王勞之而賜之盟曰世世子孫無相害也載在盟府大師職之桓公是以糾合諸侯而謀其不協彌縫其闕而匡救其

災昭舊職也。及君卽位，諸侯之望曰：「其率桓之功，我  
敝邑用不敢係聚。」曰：「豈其嗣世九年而棄命廢職，其  
若先君何？君必不然。」恃此以不恐齊侯，乃還。展禽  
柳下惠，展喜之族。魯語：臧文仲欲以辭告病焉，問於  
展禽。對曰：「爲小而崇以怒大國，使加已亂，亂在前矣。  
辭其何益？」文仲曰：「國急矣，百物唯其可者將無不趨  
也。」願以子之辭行，賂焉其可乎？展禽使乙喜以論祭  
膏沐犒師，病不能爲辭也。乙喜卽展喜，以論祭  
**爰居**。魯語：海鳥曰爰居，止於魯東門之外。臧文仲使  
國人祭之，展禽曰：「越哉！臧孫之爲政也，夫祀國  
之大節也，而節政之所成也，故愼制祀以爲國典。今  
無故而加典，非政之宜也。」夫聖王之制祭祀也，法施  
於民則祀之，以死勤事則祀之，以勞定國則祀之，能  
禦大災則祀之，能捍大患則祀之。非此族也不在祀  
典。今海鳥至，已不知而祀之，以爲國典，難以爲仁，且  
知矣。夫仁者，講功而知者，處物無功而祀之，非仁也。



不知而不問非知也今茲海其有灾乎夫廣川之鳥獸恆知而避其灾也是歲海多大風冬煥文仲聞柳下季之言曰信吾過也季子之言不可不法也知弗使書以爲三策策簡書也三策三卿卿一通知弗忌有殃昭穆也曰我爲宗伯昭者爲昭其次爲穆何常之有遂躋之展禽曰夏父弗忌必有殃夫宗有司之言順矣傳又未有明焉犯順不祥以逆訓民亦不祥易神之班亦不祥不明而躋之亦不祥犯鬼道二犯人道二能無殃乎及其葬也焚煙徹于上岑閔不棄信呂氏春秋齊攻魯以求岑閔魯與之齊侯閔請與之魯君請於柳下惠對曰君之欲以爲岑閔也以免國也棄臣之信以免君之國亦臣之所難也公乃以真岑閔往一說齊求魯岑閔魯與之廣閔齊人知其誑也曰以柳下惠之言爲信柳下惠曰奚

不以真者與之曰吾所愛也也惠辭曰吾亦愛吾則姬女不亂家語魯人有獨處室者鄰之妾

婦亦獨處一室夜暴風雨至婦室壞趨而託焉魯人閉戶不納婦人曰子何不如柳下惠然姬不建門

之女國人不稱其亂魯人曰柳下惠則可吾固不可吾將以吾之不可學柳下惠之可孔子曰善哉欲學

柳下惠未有文仲下展禽左文二仲尼曰臧文仲不似於此者

織蒲三不仁也文仲諡惠人將誅之其妻曰將誅知惠之賢而使在下位

夫子之德耶二三子不如妾之知也乃誅曰夫子之不伐兮夫子之不竭兮夫子之識信而與人無害兮

屈柔從容不彊察兮蒙恥救民德彌大兮雖遇三黜終不易兮豈弟君子永能昭兮

嗚呼哀哉魂神泄兮死士之壟戰國策昔者秦攻齊夫子之諡也為惠兮

柳下惠少連文

五十步而樵採者死不赦令有能得齊王頭者封侯賜金由是觀之生王之頭曾不若死士之龍也

### 少連

善居喪

雜記孔子曰少連大連善居喪三日不怠三月不解期悲哀三年憂東夷之子也家語子

貢問曰聞諸晏子曰少連大連善居喪其有異稱乎孔子曰云云東夷之子達於禮者也

按龍子事無考列子有龍子謂文摯愈已疾孔叢子有龍穆好飾弄辭說與衛公叔戌友未必是一人且皆無與於孟子所述今不錄

### 四書古人典林卷之四

畢

四書古人典林卷之五

新安江 永慎修新編

聖賢部上

孔子

始生

家語本姓解孔子之先宋之後也成王命微子

公其

及襄公熙熙生弗少何及厲公方祀弗父何生

宋父

周周生世子勝勝生正考甫考甫生孔父嘉立

世親

盡別為公族故後以孔為氏孔父生木金父木

金父

生畢夷畢夷生防叔防叔避華氏之禍而奔魯

按華

父督殺孔父在魯桓公二年豈至曾孫而始

避禍

奔魯乎疑家語誤又防叔生伯夏伯夏生叔梁

曰書

五

五

孔子

本

紇紇妻生孟皮一字伯尼有足病乃求婚於顏氏三女小曰徵在妻之徵在以夫之年大懼不時有男而私禱尼耶之山以祈焉生孔子故名耶字仲尼襄公二十一年穀梁傳十月庚子孔子生同年公羊傳十有一月庚子孔子生史記孔子世家孔子生魯昌平鄉陬邑魯襄公二十二年而孔子生按襄公二十一年己酉公穀近孔子皆謂生於是年疑得其實經書十月庚辰朔日食則庚子者十月二十一日也公羊謂十一月庚子則誤矣司馬遷敘事舛錯者非一言生二十二年者不足信孔子生年當以二傳爲正月日當以穀梁爲正論語序說生年因史記二十二年庚戌而以公羊之十一月庚子繫之則偶失檢而誤也庚戌歲十一月常甲辰朔無庚子先聖生年既參差後敘事有年可考者但紀魯公之年無者缺之又按陬邑者孔子父所治邑亦作鄒括地志故鄒城在兗州泗水縣東南六十里昌平山在縣南六

十里鄉以山爲名故闕里在縣南五十里而兗州曲阜縣魯城西南三里有闕里中有孔子宅史記正義云夫子生在鄒長徒曲阜仍號闕里也又按孔庭纂要等書有麟吐玉書二龍繞室五老降庭諸祥及三十九表異質今皆不載○附載魯語閔馬父曰昔正考父校商之名頌十二篇於周大師以那爲首鄭箋自考父至孔子微子至于戴公其間禮樂廢壞有正考父者得商頌十二篇於周之火師以那爲首鄭箋自考父至孔子又亡其七篇故餘五耳棺弓二名不偏諱夫父卒家子之母名徵在言在不稱徵言徵不稱在父卒子之三歲叔梁紇卒按是時孔子父殯於五父之衢後乃與母合葬於防刪葬於防三字說見後○附載家語阪大夫身長十尺武力絕倫左襄十諸侯伐偃陽偃陽人啓門諸侯之士門焉縣門發耶人紇扶之以出門者紇耶邑大夫夫陳俎豆史記孔子爲兒言多力抉舉縣門出在內者陳俎豆喜戲常陳俎豆

設禮娶升官氏家語十九歲生伯魚又一歲而生伯

昭公以鯉魚賜孔子榮君之為委吏史記孔子貧且

氏史料量平索隱曰有本作為乘田又嘗為司職

委吏趙岐曰主委積倉庫之吏為乘田吏畜蕃息

職見周禮牛人讀為織義與杙同蓋繫母卒歷聘紀

四歲母合葬于防檀弓孔子少孤不知其墓殯於五

其慎也蓋殯也問於耶曼父之衡之母然後得合葬于防

漢孔子父墓殯魯城外五父之衢孔子不知其為淺葬

見者亦皆以為已漢葬孔子於此是審慎而不敢輕啓

後乃知其為殯而非葬由問於耶曼父之母而知之

於是啓其殯與母合葬於防。記文本如墓。鬼儒誤讀。不知其墓。四字爲句。遂生妄說。且破慎爲引。後人漢。駁記文。此句讀不明之過也。近世高郵孫氏護孫著。檀弓論文。始得其讀。先聖之誣始釋。又孔子既得合。葬於防。曰吾聞之古也。墓而不墳。今耶也。東西南北。之人也。不可以弗識也。於是封之。崇四尺。孔子先反。門人後。雨甚。至孔子問焉。曰爾來何遲也。曰防墓崩。孔子不應。三孔子泣然流涕。曰吾聞之古不修墓。既祥。又孔子既祥。五日彈琴而學。官。左昭十七。鄭子。問焉。曰少皞氏鳥名。官何故也。鄉子曰。吾祖也。我知之。仲尼聞之。見於鄉子而學之。既而告人曰。吾聞之。夫子失官。學在四夷。猶學琴。家語。孔子學琴於師襄。信。詳見典林官職部。學琴。子襄子曰。吾雖以擊磬。爲官。然能於琴。今子於琴已習。可以益矣。孔子曰。耶。未。未。得其數也。有閒曰。已習其數。可以益矣。曰耶。未。



其志也有間曰已習其志可以益矣曰耶未得其爲  
人也有間孔子有所謬然思焉有所舉然高望而遠  
眺焉曰耶迫得其爲人矣近騏而黑順然長曠如望  
羊奄有四方非友王其孰能爲此師襄子避席蔡拱  
而對曰君子聖人也其師曰友王操雖黑貌  
曠用志廣遠望羊達祖也乘拱兩手薄其心  
**學禮**左昭七公至自楚而筓子病不能相禮乃講學  
人之幹也無禮無以立吾聞將有達者曰孔耶聖人  
之後也而滅於宋其祖弗父何以有宋而授厲公及  
正考父佐戴武宣三命茲益其故其鼎銘云一命而  
僂再命而偃三命而俯循牆而走亦莫余敢侮僂於  
是鬻於是以糊余口其其也如是臧孫紇有言曰聖  
人有明德者若不當世其後必有達人今其將在孔  
耶乎我若獲汲必屬說與何忌於夫子使事之而學  
禮焉以定其位故孟懿子與南宮敬叔師事仲尼仲

尼曰能補過者君子也詩曰君子是則是效孟僖子  
可則效已矣二十四年孟僖子卒傳終言之僖子  
卒時孔子年三十五弗父何適嗣當立釀弟厲公俯  
其於區區共於嘔說南宮敬叔何忌孟懿子皆僖子  
之子按史記不考僖子卒在後此傳為終言之而通  
叙此事於十七歲諸書皆承其誤今以杜註正之通

# 周問禮訪樂

家語孔子謂南宮敬叔曰吾聞老聃博

師也今將往矣對曰謹受命遂言於魯君曰臣受先  
臣之命云孔子聖人之後也少而好禮汝必師之今  
將適周觀先王之遺制考禮樂之所極斯大業也若  
盍以乘資之公曰諾與孔子車一乘馬二匹至周問  
禮於老聃訪樂於苴宏老聃老子苴宏周大夫按  
昭二十四年癸未二月孟僖子卒五月乙未朔日食  
孔子適周在敬叔學禮之後而曾子問有從老聃助  
葬遇日食之事則適周宜在此年三四月間但敬叔

有父喪家語謂與俱往疑未必然耳問禮老聃曾子問篇言吾聞諸老聃者四章是其遺言若史記老子傳所謂君子盛德容貌若愚失子之驕氣多慾態色注志世家家語所謂好議人發人之惡此豈所以告夫子哉即老子猶龍之譽疑亦為老氏者增飾之辭今皆削訪樂蓀宏孔子與賓牟賈論大武有聞諸長宏之言○附載家語素王事實其宏語劉文公曰吾觀仲尼有聖人之表河目而龍頰黃帝之形貌也修肱而龜背長九尺六寸成湯之容體也言稱先王觀躬履謙讓治聞強記博物不窮非聖人之興者乎觀周家語歷郊祖之所考明堂之則察廟朝之度於是周喟然曰吾乃今知周公之聖與周之所以王也又孔子觀乎明堂觀四門墉有堯舜之容桀紂之象而各有善惡之狀興廢之誠焉又有周公相成王抱之負斧扆南面以朝諸侯之圖焉孔子徘徊望之謂從者曰此周之所以盛也夫明鏡所以察形往古所以

知今人主不務冀迹於其所以安有而忽怠所以危  
亡是猶郤走而欲求及前人也豈不惑哉又孔子遂  
人太祖后稷之廟堂有階之前有金人焉三緘其自  
而銘其背曰古之慎言人也戒之哉無多言多言多  
敗無多事多事多患安樂必戒無行所悔勿謂何傷  
其禍將長勿謂何害其禍將大勿謂不聞神將伺人  
焰焰不滅災炎若何消消不壅終爲江河縣縣不絕  
或成網羅毫末不札將絳斧柯誠能慎之福之根也  
曰是何傷禍之門也強梁者不得其死好勝者必遇  
其敵盜憎主人民怨其上君子知天下之不可上也  
故下之知衆人之不可先也故後之溫恭慎德使人  
慕之敬雖持下人莫踰之人皆趨彼我獨守此人皆  
或之我獨不徙內藏我智不示人技我雖尊高人弗  
我害誰能於此江海雖左長於百川以其卑也夫道  
無親而能下人戒之哉孔子顧謂弟反魯以自周反  
子曰小子識之此言實而中情而信

自南宮敬叔之乘我車也而道加行適齊奔齊魯亂

孔子適齊按世家叙適齊於昭二十五年是也謂

為高昭子家臣以通乎景公則未必然歷聘紀年

此無適齊之事昭二十年十一月齊景公田于沛招

虞人不至有論虞人語蓋在魯間而論之而家語正

論解謂孔子在齊非也年譜於三十一歲當昭二十

一年書齊景公遣使來聘孔子適齊三十二歲在齊

辭廩邱三十三歲在齊對釐王廟災蓋因史記而誤

也世家叙事錯謬既以適周事叙於昭二十年之前

又於昭二十一年云孔子蓋年三十齊景公與晏嬰來

適魯問秦穆公所以霸孔子對之而景公說年譜遂

意明年有來聘適齊之事考之左傳昭二十年齊侯

吟遂曠獵而不廖十二月疾廖而田沛何嘗有適魯

之事豈齊侯來而春秋不書聞韶儀禮傳孔子至齊

家語亦載此事今並削之聞韶郭門之外遇一嬰

兒挈一壺相與俱行其視精其心正其行端孔子謂  
御曰趣驅之趣驅之韶樂方作於是至而聞韶學之  
三月不知肉味曰不<sub>對</sub>廟災家語孔子在齊舍於外  
圖爲樂之至於此也  
既接左右曰周適至言先王廟災公覆問災何王之辭  
廟孔子曰此必釐王之廟釐王變文武之制作華麗  
之飾宮室崇峻與馬奢侈而弗可振也故天殃所宜  
加俄頃左右報曰釐王廟也公驚起再拜曰聖王之  
智過人遠矣按此事姑載之釐王至敬王十世廟  
當已毀如未毀宜言親盡不毀當災乃別爲之說何  
也且億中之事聖人不貴私論或一及之豈以此爲  
明於君前疑後人因在陳聞桓僖廟災之事增飢爲  
此耳○附載家語齊有一足鳥舒翅而跳齊侯使問  
孔子孔子曰此鳥名商羊水祥也昔童兒有屈其一  
脚振訊兩肩而跳且謠曰天將大雨商羊鼓舞今齊  
有之其應至矣急告民趨治溝渠修隄防將有大水

為災頃之。大霖雨水泛溢。唯齊有備。辭廩邱。又孔子

不敗。景公曰。聖人之言信而微矣。見齊景

公。公悅焉。請置廩邱之邑。以為養。辭不受。謂弟子曰。

君子當功受賞。今吾言於君。君未之行。而賜吾邑。其

不知耶。尼谿沮封。使記景公問政。孔子曰。君君臣臣。

亦甚矣。尼谿沮封。使記景公問政。孔子曰。君君臣臣。

公說。欲以尼谿沮田封孔子。晏嬰進曰。夫儒者滑稽而

不可軌法。倨傲自順。不可以為下。崇喪遂哀。破產厚

葬。不可以為俗。自大賢之息。周室既衰。禮樂缺。有閒

今孔子盛容飾。繁登降之禮。趨詳之節。累世不能殫

其學。當年不能究其禮。君欲用之。以移齊俗。非所以

先細民也。與曰。景公止。孔子曰。奉子以季氏。吾不能

以季孟之間待之。曰。吾老矣。弗能用也。孔子遂行。反

乎魯。按孟子言。未嘗有所終三年淹而歷聘紀年。

謂問齊七年非也。昭二十七年吳季札聘上國。反於

齊。子死。贏博間而夫子往觀葬。蓋自魯往觀。贏博間

近魯境也然則在辨獺羊傳語季桓子穿井獲加士

尼曰吾穿井而獲狗何也對曰以耶之所聞羊也木

后之怪曰夔蜩蝻水之怪曰龍罔象土之怪曰獺羊

問而告可也或疑此事不可見本草夫子雖不語怪因

丙申季平子卒桓子立年譜叙獺羊事於昭公薨之

年已誤矣平子卒陽虎將以瑱璠斂仲梁懷弗與見

左傳而家語云孔子初為中都宰聞之歷敘而救焉

年譜述叙宰中都於四十七歲是時陽虎力張豈夫  
于仕之時且陽虎塗中之語又何為也其誤甚矣不  
今削救瑱璠事而叙宰中都於定九年乃得其實  
仕史記桓子與盟而醉之陽虎益輕季氏季氏亦僭於公  
室陪臣執國政孔子不仕退而修詩書禮樂弟子彌  
衆○附載家語孔子觀於魯桓公廟有鼓器焉守廟



者曰此有坐之器孔子曰吾聞宥坐之器虛則破中  
則正滿則覆明主以爲至誠顧謂弟子試注水焉注  
之申則正滿則覆夫子歎曰夫物惡有滿而不覆者  
哉子路進曰敢問持滿有道乎子曰聰明睿智守之  
以愚功被天下守之以讓勇力震世守之以怯公山  
富有四海守之以謙此所謂損之又損之道也公山  
召爲亂欲廢三桓之適更立其庶孽陽虎素所善者  
遂執季桓子桓子詐之得脫定公九年陽虎不勝奔  
齊時孔子年五十公山不狃以費畔季氏使人召孔  
子孔子循道久溫溫無所試欲往子路不說然亦卒  
不行按不狃與陽虎共謀去三桓故論語以爲畔  
其實未嘗據邑與兵也論語集註與陽虎共執桓子  
因此爲文其實非其執也不狃自在費陽虎將享季  
氏于蒲圃爲蒲驪以監之耳虎奔在九月爲中都宰  
不狃之召蓋在其後明年爲中都宰矣

家語孔子初仕為中都宰制為養生送死之節長幼  
異食強弱異任男女別塗路無拾遺器不離偽為四  
寸之棺五寸之槨因邱陵為墳不封不樹行之一年  
而國方之諸侯則焉定公謂孔子曰學于此法以治  
魯國何如對曰雖天下可也何但魯國而已哉接  
世家叙于陽虎奔齊之後歷聘紀年在五十二歲是  
定公九年為司空又於是二年定公以為司空乃別五  
年也為司空土之性而物各得其所生之宜也  
魯三卿而孫為司空此為大司寇又由司空為大  
司空之貳也在定公十年為大司寇又由司空為大  
用無姦民按大司寇溝合昭公墓左定元年孫自  
下大夫也亦定公十年溝合昭公墓後如闕公氏將  
溝焉葬昭公於墓道南孔子之為司寇也溝而合諸  
墓闕魯羣公墓所在季孫意如欲溝絕其兆域不  
使與先君同家語謂季桓子曰貶君以彰相夾谷左  
已罪非禮也今合之所以揜夫子之不臣相夾谷左

于春及齊平夏公會齊侯于祝其實夾谷孔耶相掇  
彌言於齊侯曰孔耶知禮而無勇若使萊人以兵劫  
魯侯必得志焉齊侯從之孔耶以公邊曰士兵之兩  
君合好而裔夷之竹以兵亂之非齊君所以命諸侯  
也裔不謀夏夷不亂華竹不千盟兵不偪好於神爲  
不祥於德爲愆義於人爲失禮君必不然齊侯聞之  
遣辟之將盟齊人加於載書曰齊師出竟而不以甲  
車三百乘從我者有如此盟孔耶使茲無還揖對曰  
而不反我汶陽之田吾以其命者亦如之齊侯將享  
公孔耶謂梁邱據曰齊魯之故吾子何不聞焉事既  
成矣而又享之是勤執事也且犧象不出門嘉樂不  
野合享而既具是棄禮也若其不具用秕稗也用秕  
稗君辱棄禮名惡于蓋圖之夫享所以昭德也不昭  
不如其已也乃不果享按夾谷事以左氏爲信穀  
梁史記家語皆有斬侏儒事穀梁云以是見有文事  
者必有武備於類谷見之矣此陋儒之見也夫子以

言辭卻萊兵對載書其辭享禮亦所以破其兵劫之  
故智其義勇不可當矣矣必以斬侏儒為武哉且聖  
人不為己甚果斬侏儒則為己甚即不生意外之變  
齊人未必肯服義也諸家無識捨左錄史今正之  
**齊歸田**春秋定十齊人來歸鄆譙陰田三邑皆汶陽田會夾谷孔子相齊人服義而歸魯田  
史記景公歸告其羣臣曰魯以君子之道輔其君而  
子獨以夷狄之道教寡人使得罪於魯君奈何有司  
曰君子有過謝以實小人有過謝以文於是歸所侵  
魯田以謝過  
也  
**斷獄訟**家語  
孔子為司寇斷獄訟皆進衆議者而  
云如是然後夫子誅少正卯  
又誅亂政大夫少正卯  
曰當從某子幾是誅少正卯  
戮之於兩觀之下子貢  
曰少正卯魯之聞人也今夫子為政而誅之或者為  
失乎子曰天下有大惡五而竊盜不與焉心逆而險

行僻而堅言僞而辯記醜而博順非而澤少正卯兼  
有之此人之姦雄者也不可以不除按朱子不信  
此事序說猶存誅少卯傳疑赦父子訟又魯有父子  
也今姑節錄未敢信其必有赦父子訟訟者夫子同  
往執之三月不別其父請正赦之季孫不悅曰司寇  
欺余曩告余曰國家必先以孝今戮一不孝以教民  
孝不亦可乎孔子喟然曰上失其道而殺其下非理  
也不教以孝而聽其獄是殺不辜也今世俗之陵遲  
久矣雖有刑法墮都春秋定十二夏叔孫州仇帥師  
民能勿踰乎墮都墮郈季孫斯仲孫何忌帥師墮  
費冬十有二月公圍成公羊孔子行乎季孫三月不  
達曰家無藏里邑無百雉之城於是帥師墮郈墮費  
左仲由為季氏宰將墮三都於是叔孫氏墮郈季氏  
將墮費公山不狃叔孫輒帥費人以襲魯公與三子  
入于季氏之宮登武子之臺費人攻之弗克入及公  
側仲尼命申句須樂頡下伐之費人北國人追之敗

諸姑蔑二子奔齊遂墮費將墮成公斂處父謂孟孫  
無益氏也子簡不知我將不墮公圍成弗克也無成是  
昭十三年南蒯以費叛連年伐而不克定十年侯狙  
以郕叛一年再圍而不克由其城險固家臣數叛仲  
由進計季孫防其後患令毀壞其城左氏不言孔子  
之計當是仲由自立此謀但傳稱費人襲魯仲  
尼在焉是孔子知其事謂墮之為是故不禁也**政化**

**大行**家語強公室弱私家尊君卑臣政化大行初魯

淫不制慎潰氏奢侈踰法鬻六畜者飾之以儲價及

孔子為政則沈猶氏不敢朝飲其羊公慎氏出其妻

慎潰氏越境而徙三月則鬻牛馬者不儲價賣羊豚

者不加飾男女行者別塗道不拾遺男尚忠信女尚

貞順四方客至不求有司皆如歸焉○附辨按家語

史記皆云為司寇攝行相事其實攝相乃是相禮如

國語魯人與水卷五里賢形上孔子

夾谷相會論語趨進翼如賓退復命是也若魯相自  
是三卿執政自是季氏夫子是時但言之而從公羊  
所謂行乎季孫三月不違者耳未嘗  
攝政事也今攝行相事語亦削之  
司寇國人謗之曰靡裘而鞞拔之無矢鞞之靡裘投  
之無郵既而政化盛行國人誦之曰裘衣章甫實獲  
我所章甫裘衣惠我無私鞞音畢蔽膝也  
罪郵過也俗本鞞作鞞釋為刀鞘者誤  
齊歸女  
樂史記齊人聞而懼曰孔子為政必霸霸則吾地近  
焉我為先并矣蓋致地焉犁鉏曰請先嘗沮之沮  
之而不可則致地庸遲乎於是選國中女子好者八  
十人皆衣文衣而舞康樂文馬三十駟遣魯君陳於  
魯城南高門外季桓子微服往觀再三將受乃語魯  
君為周道遊往觀終日怠於政事家語作舞客璣  
詩舞去魯適衛  
曲名今且都如致肅乎大夫則吾猶可以

止桓子卒受女樂三日不聽政郊又不致膳桓子於人  
夫孔子遂行宿乎屯師已送曰夫子則非罪孔子曰  
吾歌可夫歌曰彼婦之口可以出走彼婦之謁可以  
死敗優哉游哉維以卒歲師已反桓子曰孔子何言  
師已以告桓子歎曰夫子罪我以羣婢故也夫遂適  
衛主顏淵鄒家按孔子世家誅少正卯三月大治  
歸女樂去魯適衛皆叙於定公十四年非也定十三  
年夏有築蛇淵圃大蒐北蒲皆非時勞民之事使夫  
子在位而聽其行之則何以爲夫子考十二諸侯年  
表及魯世家皆於定十二年書女樂去魯事年表及  
衛世家皆於靈公三十八年書孔子來祿之如魯衛  
靈三十八當魯定十三蓋女樂事在十二二十三冬春  
之閒去魯實在十三年春魯郊常在春故經不書當  
以衛世家爲正夫子春去魯而夏築圃蒐北蒲諸稅  
政卽作尤可見聖也  
龜山猗蘭琴操孔子去魯作歌曰  
入在位之有裨也  
孔子



我無斧柯龜山柰何又作猗蘭操曰習習谷風以陰  
以出之子子歸遠送于野何彼蒼天不得其所逍遙  
九州無有定處世人闇蔽不**致栗**史記衛靈公致栗  
知賢者年紀逝邁一身將老**致栗**六萬居十月去衛  
按史記謂有譖孔子者靈公使公孫余假一  
出一入以兵杖脅之孔子恐得罪而去不足信**嬰**  
又將適陳過匡顏刻爲僕以其策指之曰昔吾入此  
由彼缺也匡人聞之以爲魯之陽虎陽虎嘗暴匡人  
匡人遂止孔子孔子狀類陽虎拘焉缺謂昔所被  
攻缺般之處也家語匡簡子以甲士圍之子路將與  
戰孔子止之曰夫詩書之不講禮樂之不習是邛之  
過也若以述先王好古法而爲咎者則非邛之罪也  
命也夫由歌子相汝子路彈琴而歌孔子相之曲三  
終匡人解甲而罷按匡圍從史記解圍從家語史  
記謂使從者爲衛武子反衛更記去卽過蒲月餘反  
臣於衛然後得去大謬反衛更記去卽過蒲月餘反

四書古人共味

卷五 聖賢部上 孔子

孔子

然據年表及陳世家孔子至陳在潁公六年當定十四則此當是十四年又年表宋世家孔子過宋在宋景公二十五年當魯哀公三年則又不合疑三年在陳非過宋時又莊子言伐檀於宋檀卽所謂大樹也○附載儒行孔子曰邛少居魯衣逢掖之衣長居宋冠章甫之冠適鄭鄭與弟子相逢獨立郭東門鄭人或謂子貢曰東門有人其類似堯其項類皋陶其肩類子產自要以下不及禹三寸累累若喪家之狗子貢以實告孔子欣然笑曰形狀末也而似喪家之狗然哉然哉舊解爲有喪家之狗不見飲食蠟然不得意今按喪當讀去聲言周遊四方若失家之狗無所歸也至陳陳主司城貞子家按孟子言司城貞子爲陳侯周臣而史記陳湣公名越春秋作陳哀公所記異也據年表陳世家至陳當定十四於是子貢反魯十五年春有觀邾子執王之事五月公薨夫子言賜不幸言而中

在陳言之也史記云歲餘吳王夫差伐陳取三邑而去趙煥伐朝歌楚圍蔡蔡遷于吳吳敗越會稽皆哀  
公元年辨骨節又吳伐越會稽得骨節專車吳使  
丁未生辨骨節使問仲尼骨何者最大仲尼曰禹致  
羣神於會稽山防風氏後至禹殺而戮之其節專車  
此為大矣吳客曰誰為神仲尼曰山川之神足以綱  
紀天下其守為神社稷為公侯皆屬於主者客曰防  
風何守曰在罔氏之君守封島之山為瑩姓在虞夏  
商為罔於周為長翟今謂之大人客曰人長幾何  
曰僬僥氏三尺短之至也長者不過十之數之極也  
客曰善哉聖人按此事魯語家語皆載皆言吳使  
使來聘止問史記與遺事類聚於定五年今據越  
樓會稽在哀元年移於此魯辨骨節又有集集于陳  
語家語皆作在芒氏漆姓又而死楷矢矢貫  
之石弩矢長尺有咫陳潛公使使問仲尼仲尼曰隼  
來建矣此肅慎氏之矢也昔武王克商道通九夷百

蠻使各以方賄來貢使無忘職業於是肅慎貢楮矢  
后贅長尺有咫先王欲昭其令德以肅慎矢分次姬  
配虞胡公而封諸陳試求之故府果得之按魯語  
家語皆作陳惠公是時未嘗至陳今從史記作潛公  
楷木名以斤爲去陳被寇於是去陳三歲吳侵陳陳常  
鏃長尺八寸也定十四年至陳至此是三歲矣去陳  
元年八月事也史記云會晉楚爭強更伐陳是時晉楚  
當卽在此年史記云會晉楚爭強更伐陳是時晉楚  
未嘗更伐陳又以孟子所記歸與之過蒲公叔氏以  
歎在此時朱子辨之說見後今皆削過蒲公叔氏以  
蒲畔蒲人止孔子弟子公良孺有勇力曰吾寧鬪而  
死關其疾蒲人懼謂孔子曰苟毋適衛吾出子與之  
盟出孔子孔子遂適衛子貢曰盟適衛又衛靈公聞  
可負耶孔子曰要盟也神不聽適衛孔子來喜郊  
迎公老怠於政不用孔子孔子喟然歎曰苟有用我  
者云云按此適衛在哀元年二年間史記此下有

孔子行三字又叙佛肝荷佛肝召又佛肝為中牟宰  
贊事非也是時夫子未行趙簡子攻范中行  
伐中牟佛肝呼使人召臨河不濟又孔子既不得用  
孔子孔子欲往云云於衛將西見趙簡  
子至河聞寶鳴犢舜卒之死也臨河而歎曰美哉水  
洋洋乎耶之不濟此命也夫寶鳴犢舜華晉之賢大  
夫也而殺之耶聞之刳胎殺夭則麒麟不至郊竭澤  
涸魚則蛟龍不合陰陽覆巢毀卵則鳳凰不翔何則  
諱傷其類也夫鳥獸之於不義尚知辟之而況乎耶  
哉乃還息乎陬鄉作陬操以哀之此陬鄉非魯之  
陬邑家語作繫操琴曲名家語註其詞曰周道衰微  
禮樂陵遲文武既卒我將焉師周遊天下靡邦可依  
脊焉顧之憐焉心悲升車命駕將適晉都黃河洋洋  
悠悠之魚臨津不濟還轅息陬傷予道窮哀彼無辜  
翱翔于衛復我舊廬又反乎衛主  
從吾所好其樂只且反衛選伯玉家  
去衛如陳又

日靈公問兵陳孔子曰組豆之事則嘗聞之云云  
日與孔子語見蜚鴈仰視之色不在孔子孔子遂行  
復如陳夏衛靈公卒哀二年也朱子曰據論語則  
絕糧當在此時又後孔子如蔡及蔡史記云於是楚  
昭王使人聘孔子孔子將往拜禮而陳蔡大夫發徒  
圍之故孔子絕糧於陳蔡之間朱子辯之曰按是時  
陳蔡臣服於楚若楚王來聘孔子陳蔡大夫安敢圍  
之且據論語絕糧當在去衛如陳時今按朱子之辯  
確矣然論語雖記絕糧於去衛後亦非初至陳之時  
論語云從我於陳蔡孟子云君子之厄於陳蔡之間  
言閒者兩地相接之處蓋哀四五年閒自陳如蔡之  
時此當以陳蔡之地望及時事參考之陳卽今之陳  
州蔡始封在今汝寧之上蔡縣其後平侯徙汝寧之  
新蔡縣皆與陳相近哀二年夫子適陳而是年十一  
月蔡昭侯畏楚遷于吳之州來州來之蔡城在今鳳  
陽府壽州北三十里與陳相距五六百里中間隔絕

不得言陳蔡之閒也。昭侯既遷，哀四年二月被殺於公孫翩放殺其黨公孫辰。公孫姓公孫霍，是時蔡方有亂，夫子當不至其國。且自陳至州來，又自州來折而西北至蔡，相距甚遠，何為僕僕如此？然則夫子未嘗至州來也。其自陳如蔡，自蔡如楚，指故地上蔡言之耳。蔡既遷，則故蔡地皆屬於楚。是時楚昭王賢蔡公亦賢夫子，欲用楚故如蔡如楚。按哀四年傳云：楚左司馬販申公壽餘、蔡公諸梁致蔡於負函。十六年傳云：蔡亦就蔡公與蔡國無涉也。州來距上蔡七八百里，而謂陳蔡大夫發徒圍孔子，真傳聞之妄矣。今絕禮事雖不從史記家語而猶叙於去陳如蔡時，故詳考之。如**知桓僖廟災**，春秋哀三夏五月辛卯，桓宮僖宮此。家語陳侯曰：何以知之？子曰：禮祖有功而宗有德，故不毀其廟。今桓僖之親盡，又功德不足以存其廟。



而魯不毀是以天災加之魯使至則桓僖也陳侯謂  
子貢曰吾乃今知聖人之可貴對曰未若專其道而  
行其化魯召冉求史記秋季桓子病輦而見魯城囀  
之善也然歎曰昔此國幾興矣以吾獲罪  
於孔子故不興也顧謂康子曰我死必召仲尼桓子  
卒康子欲召仲尼公之魚曰昔吾先君用之不終為  
諸侯笑今又用之不終是再為諸侯笑康子曰誰召  
而可曰必召冉求於是使使召冉求孔子曰歸乎歸  
乎吾黨之小子云云朱子曰史記以論語歸與之  
歎為在此時又以孟子所記歎詞為主司城貞子時  
語疑不然蓋語孟所記本皆遷蔡又冉求既去明年  
此一時語而所記有異同耳又冉求既去明年  
猶叙蔡事非是遷蔡蓋就蔡公說見前陳蔡閒  
又陳蔡之閒孔子絕糧召子路問曰詩云匪兕匪虎  
率彼曠野吾道非耶何為至於此子路曰意者吾未

仁耶人之不我信也吾未知耶人之不我行也孔子  
曰由使仁者而必信安有伯夷叔齊使知者而必行  
安有王于比干子貢曰夫子之道至大故天下莫能  
容夫子蓋少貶焉孔子曰賜良農能稼而不能為穡  
良工能巧而不能為順顏回曰夫子之道至大故天  
下莫能容雖然不容何病不容然後見君子孔子欣  
然笑曰有是哉家語絕糧七日孔子愈慷慨講誦絃  
歌不衰明日免於厄按史記叙於吳伐陳楚救陳  
軍于城父之後在哀六年史記家語皆謂楚昭王聘  
孔子陳蔡大夫恐其用楚發徒圍之故絕糧朱子辯  
其非今叙於自陳遷蔡時削陳蔡大夫之事蓋道途  
閑資用乏絕不必有兵圍也舊註孔安國云會吳伐  
陳陳亂故乏食則兵圍自蔡如蘧史記齊景公卒明  
之事孔氏已不信矣自蔡如蘧年自蔡如蘧蔡公  
問政孔子曰政在來遠附邇哀六年也按蔡公所  
治地廣蔡地亦其所屬夫子告以近說遠來其以是

興去蔡反蔡

又去蔡反于蔡長沮桀溺耦而耕云云按論語先記楚狂次記沮溺丈人史

記於此叙沮溺丈人而楚狂事叙於楚昭王卒自楚反衛之時不必然也如蔡如桀皆楚地何必不先遇

楚子西沮封

又楚昭王迎孔子將以書社地七百里封孔子令尹子西曰王之使使諸侯有

如子貢者乎輔相有如顏回者乎將率有如子路者

乎官尹有如宰予者乎夫文王武王百里之君卒王

天下今孔耶得據土壤賢弟子為佐非楚之福也昭

王乃止按索隱云古者二十五家為里里各立社

書社者書其社之人名於籍蓋以七百里書社之人

封孔子也然則此里非延長之里朱子疑書社地七

百里無此理愚謂此史遷屬辭之不善耳當云書社

七百如左傳書社五百荀子書社三百之云則無疑

矣今存其本文論之○附載家語楚王渡江有物大

如斗圓而赤觸王舟王使使問孔子子曰此所謂萍

實者也。昔過陳之野，聞童謠曰：「楚王渡江，得萍實，大如斗，赤如日，剖而食之，甜如蜜。」是以知之。按商羊，萍實等事，文家通川今亦自楚反衛。史記其秋，楚昭我之，不必論其有無可也。是孔子自楚反衛，是歲魯哀公六年也。按衛衛出公輒時，孟子所謂公養之仕也。但孝公之謚與史傳不合耳。論正名，又路曰：衛君輒欲得孔子為政幣召歸。又冉有為季氏將師與齊戰，克之。季康子曰：子之於軍旅學之乎？性之乎？冉子曰：學之。於孔子康子曰：孔子何如人？對曰：用之有召，播之百姓，質諸鬼神而無憾。求之至於此道，雖累千社，夫子不利也。康子曰：我欲召之，可乎？對曰：欲召之，則毋以小人閒之。康子遂公。華公賓林以幣迎孔子。孔子歸魯。孔子之去魯，凡十四歲而反乎魯。按孔子世家：以定十四年去魯，至此十三年。魯世家定十二年去魯，則十五年。

今此言十四歲是定十三年去魯為得其實左哀十  
一孔文子將攻犬叔訪於仲尼仲尼曰胡簋之事則  
嘗學之矣甲兵之事未之聞也邊命駕而行曰鳥則  
擇木木豈能擇鳥文子遽止之曰國豈敢度其私訪  
衛國之難也將止魯不對出賦田賦使冉有訪諸仲  
人以幣召之乃歸不對出賦田賦使冉有訪諸仲  
尼仲尼曰耶不識也三發卒曰子為國老待子而行  
若之何子之不言也仲尼不對而私於冉有曰君子  
之行也度於禮施取其厚事舉其中斂從其薄如是  
則以邛亦足矣若不度於禮而貪冒無厭則雖以田  
賦將又不足且子季孫若欲行而法則周修詩書禮  
樂史記然魯終不能用孔子孔子亦不求仕追述三  
樂代之禮序書傳禮記語魯太師樂其可知也云云  
禮樂自此可得而述按夫子未嘗刪詩詩亦自有  
淫聲而世家云古者詩三千餘篇孔子去其重取可

施於禮義三百五篇孔子皆弦歌之以  
求合韶武雅頌之音此史遷之妄說  
易序彖辭象說卦文言讀易韋編三絕  
論司歷過  
上二冬十二月蠡季孫問諸仲尼仲尼曰  
伏而後蟄者畢今火猶西流司歷過也  
嘗失閏十二月火已伏其蠡者時燠也  
季孫與夫子問答當是明年十二月蠡  
此年別有詳獲麟春秋哀十四春西狩  
考此言其略獲麟西狩於大野叔孫氏  
獲麟以為不祥以賜虞人仲尼觀之曰  
之公羊麟者仁獸也有王者則至無王  
以告者曰有譬而角者孔子曰孰為來  
反袂拭面涕沾袍曰吾道窮矣  
不取然或因傷感而出涕理亦有之  
空漣漣之語今兼載之孔叢子乃作歌  
曰唐虞之世

麟鳳遊今非其時分來作春秋史記乃因史記作春  
何由麟分麟分我心憂秋十二公據魯周親  
約其文辭而指博故吳楚之君自稱王而春秋貶之  
曰子賤土之會實召天子而春秋諱之曰天王狩于  
河陽推此類以繩當世貶損之義後有王者舉而開  
之春秋之義行則天下亂臣賊子懼焉孔子在位聽  
訟文辭有可與人共者弗獨有也至於春秋筆則筆  
削則削子夏之徒不能贊一辭弟子受春秋孔子曰  
後世知邱者以春秋而罪邱者亦以春秋公羊哀十  
四春秋何以始乎隱祖之所逮聞也所見異辭所聞  
異辭所傳聞異辭何以終乎哀十四年曰備矣君子  
曷爲爲春秋撥亂世反諸正莫近諸春秋杜預曰  
時無明主出而麟遇獲仲尼傷周道之不興威嘉瑞  
之無應故因魯春秋而修中興之教絕筆於獲麟之  
年句所感而作固所以爲終也小邾射以下至十六  
年皆魯史記之文弟子欲存孔子卒故并錄以續所

修之請討陳恆左哀十四齊陳恆弑其君于舒州

齊弱久矣子之伐之將若之何對曰陳恆弑其君民

之不與者半以魯之衆加齊之半可克也公曰子告

季孫孔子辭退而告人曰吾以孔子卒續經哀十六

從大夫之後也故不敢不言孔子卒夏四月己丑

孔耶卒按四月己丑當為十一日也時魯歷與衛

歷不同衛蒯瞶入衛事傳依衛歷在前年閏十二月

而經書此年正月己卯是魯歷前年不置閏故此年

正月有己卯四月有己丑杜云四月十八日乙丑無

己丑己丑五月十二日必月有誤非也杜又云魯

襄二十二年先生至今七十三今據公穀二十一年生

當為七十四先儒考核不精使聖師生卒年月日不

明今正檀弓孔子蚤作負手曳杖消搖於門歌曰泰

山其頽乎梁木其壞乎哲人其萎乎既歌而人當戶

而坐子貢聞之曰泰山其頽則吾將安仰梁木其壞

而子貢聞之曰泰山其頽則吾將安仰梁木其壞

而子貢聞之曰泰山其頽則吾將安仰梁木其壞

而子貢聞之曰泰山其頽則吾將安仰梁木其壞



哲人其萎則吾將安放夫子殆將病也遂趨而入夫子曰賜爾來何遲也夏后氏殯於東階之上則猶在阼也殷人殯於兩楹之間則與賓主夾之也周人殯於西階之上則猶賓之也而邱也殷人也予疇昔之夜夢坐奠於兩楹之間夫明王不興而天下其孰能宗予殆將死也蓋寢疾七日而沒哀公誄呼哀哉尼父按此記者刪改之詞原誄詳哀公喪葬禮家語孔子之喪公西掌殯菲焉嗆以疎米三貝徑五寸而緼組綬桐棺四寸柏棺五寸飾廟置饗設披周也設崇殷也網練設旒夏也兼用三王禮所以尊師且備古也葬於魯城北泗水上藏入地不及泉而封爲偃斧之形高四尺樹松柏爲志焉按此視檀弓加詳儀禮喪無冠珮而此有之此爲可疑後人有疑兼用三王禮爲僭者不然當時二代禮兼存未

嘗有禁令不許行川也其時門人必熟議而後行豈  
以僭事聖師哉檀弓孔子之喪有自燕來觀者舍於  
子夏氏子夏曰聖人之葬與人與人之葬聖人也子何  
觀焉昔者夫子言之曰吾見封之若堂者矣見若坊  
者矣見若覆夏屋者矣見若斧者矣從若斧者焉馬  
鬣封之謂也今一日而三斬板而已封尚行夫子之  
志乎門人服檀弓孔子之喪顏淵若喪子而無服喪  
哉亦然請喪夫子若喪父而無服又孔子之喪二三  
子皆經而出家語於是弟子皆弔服而加麻出有所  
之則經子夏曰人宜經可居出則不經子游曰吾聞  
諸夫子喪朋友居則經出則否喪所尊雖經而出可  
也弟子皆家於墓行心喪之禮三年六藝折中史記  
喪畢或謂或去惟子貢廬於墓六年六藝折中太史  
公曰詩有之高山仰止景行行止雖不能至然心鄉  
往之余讀孔氏書想見其爲人適魯觀仲尼廟堂車

四書古人典林卷五聖賢部上

二十

服禮器諸生以時習禮其家余低回畱之不能去云  
天下君土至於賢人與矣當時則榮沒則已焉孔子  
布衣傳十餘世學者宗之自天子王侯中  
國言六藝者折中於夫子可謂至聖矣

四書古人典林卷之五終

四書古人典林卷之六

新安江 永慎修新編

聖賢部下

顏淵

庶幾

繫辭傳子曰顏氏之子其殆庶幾乎有不善未嘗不知知之未嘗復行也易曰不遠復无祇悔

元吉

復初九能

門人

曰親

家語

孔子曰自吾王者

復於

善不抵於悔

門人

曰親

家語

孔子曰自吾王者

之相

又子貢曰夫能夙興夜寐諷誦崇禮行不貳過

命不失厥名以銜於

農山言志

又孔子北遊於農山

四書古人典林卷之六

顏淵

曰各言爾志吾將擇焉子路進而言志子曰勇哉子貢進而言志子曰辯哉回退而不言志子曰汝獨無願乎對曰回聞薰蕕不同器而藏堯桀不共國而治以其類異也回願得明王聖主輔之救其五教導之以禮樂使民城郭不修溝池不越鑄劍戟以爲農器放牛馬於原藪室家無離曠之思千載無戰鬪之患則由無所施其勇而賜無所用其辯矣子曰美哉德也子路曰夫子何選焉曰不傷財不害民不繁詞則顏氏之子有之矣按韓詩外傳云回有郭外之田五十畝足以給饘粥郭內之田四十畝足以爲線麻鼓琴足以自娛所學於夫子者足以自樂回不願仕也此後人摹擬之詞顏子嘗問爲邦用則行舍則藏豈終不願仕哉又莊子心齊坐忘異端假託之說尤當擇

早卒

史記回年二十九髮盡白三十二而

卒夫子喪顏淵

檀弓夫子之喪顏淵若喪子而無服

饋祥肉

又顏淵之喪饋祥肉

孔子出受之入彈琴而后食之  
**附驥尾**以和平之聲散感傷之情  
附驥尾而行益顯蒼蠅附驥尾  
而致千里以喻因孔子而名彰  
**附驥尾**史記伯夷傳顏淵雖篤學

### 曾子

### 問孝

孝經仲尼居曾子侍子曰先王有至德要道以  
順天下民用和睦上下無怨汝知之乎曾子避

席曰參不敏何足以知之子曰夫孝德之本也教之  
所由生也身體髮膚受之父母不敢毀傷孝之始也  
立身行道揚名於後世以顯父母孝之終也夫孝始  
於事親中於事君終於立身詳孝經家語曾參志  
存孝道故孔子論孝祭義曾子曰孝有三大孝尊親  
因之作孝經其次弗辱其下能養公明儀問  
於曾子曰夫子可以爲孝乎曾子曰是何言與是何  
言與君子之所謂孝者先意承志諭父母於道參直

四書古人與林  
卷八聖賢部下  
顏淵  
曾子

養者也。安能爲孝乎？又曾子曰：身也者，父母之遺體也。行父母之遺體，故不敬乎？若處不莊，非孝也。事君不忠，非孝也。置官不敬，非孝也。朋友不信，非孝也。戰陳無勇，非孝也。五者不遂，戕及於親，敢不敬乎？孰謂孝而薦之，非孝也？養也，君子之所謂孝也。已衆之本，教人稱願，然曰：幸哉，有子如此，所謂孝也已。衆之本，教曰：孝，其行曰：養。養，可能也；敬，爲難。敬，可能也；安爲難？安，可能也；卒爲難。父母既沒，愼行其身，不遺父母惡名，可謂能終矣。仁者，仁此者也；禮者，履此者也；義者，宜此者也；信者，信此者也；强者，強此者也。樂自順此，生則自反此作。又曾子曰：夫孝，置之而察乎天地，溥之而橫乎四海，施諸後世而無朝夕，推而放諸東海而準，推而放諸西海而準，推而放諸南海而準，推而放諸北海而準。又曾子曰：樹木以時伐焉，禽獸以時殺焉。夫子曰：樹木以時伐，非孝也；孝有殺焉，夫子曰：斷一樹，殺一獸，不以其時，非孝也。孝有小孝用力，中孝用勞，大孝不匱。思慈愛忘勞，可謂

用力矣。尊仁安義，可謂用勞矣。博施備物，可謂不匱矣。父母愛之，喜而弗忘；父母惡之，懼而無怨。父母有過，諫而不逆。父母既沒，必求仁者之粟以祀之。此之謂禮終。又樂正子春下堂而傷其足，數月不出，猶有憂色。曰：吾聞諸曾子，曾子聞諸夫子，曰：天之所生地之所養，無人爲大。父母全而生之，子全而歸之，可謂孝矣。不虧其體，不辱其身，可謂全矣。內則曾子曰：孝子之養老也，樂其心，不違其志，樂其耳目，安其寢處，以其飲食忠養之。孝子之身終終身也者，非終父母之身，終其身也。是故父母之所愛亦愛之，父母之所敬亦敬之。至於犬馬，盡然而況於人乎？大戴禮：曾子曰：孝子無私樂。父母所憂憂之，父母所樂樂之。孝子唯巧變，故父母安之。又曾子曰：官怠於宦成，病加於小愈，禍生於解怠。孝衰於妻子。又曾子疾病，曾元抑首，曾華抱足。曾子曰：人之生也，百歲之中，有疾病焉，有老幼焉，故君子思其不可復者而先施焉。親戚既



設雖欲孝誰為孝年既耆艾雖欲弟誰為弟故孝有不及弟有不時其此之謂與

子問一篇皆問禮

芸瓜受杖家語曾子芸瓜誤斷其根曾皙怒建大杖以擊其背曾子仆地久之乃蘇欣然而起曰大人用力教參得無疾乎退援琴而歌欲令知其體康也孔子聞之怒曰參來勿納也昔舜事瞽瞍欲使之未嘗不在側索而殺之未嘗可得小捶則待過大杖則逃走故瞽瞍不犯不父之罪而舜不失蒸蒸之孝今參事父委身以待暴怒陷父於不義不孝孰大焉參聞之謝過

出妻不取又參後母過之無恩而俱養不衰及其妻以蔡烝不熟因出之人曰非七出也

參曰烝烝小物耳吾欲使熟而不用吾命況大事乎遂出之終身不娶妻其子元請焉告其子曰高宗以後妻殺孝己尹吉甫以後妻放伯奇吾上不聲歌出及高宗中不比吉甫庸知其得免於非乎

金石

莊子會子縕袍無表正冠而纓絕提衿而用辭

邑

家語會子敝衣而耕於魯魯君聞而致邑焉因辭

君有賜不我騎也豈能勿與乎孔子聞之曰參之言足以全其節也又家語有不就齊聘事疑非實刑

之執親喪

檀弓會子謂子思曰伋吾執親之喪讀喪

禮

韓詩外傳會子每讀喪禮泣下沾襟曰往而不可

還者親也樹欲靜而風不息子欲養而親不待是

賁子夏三罪

詳子夏三罪

論出祖

游詳子論奠方游詳子論晏子知禮平仲易簣

會子寢疾病樂正子春坐於牀下會元會申坐於足童子隅坐而執燭童子曰華而院大夫之簣與會子

聞之瞿然曰呼曰華而晄大夫之簪與曾子曰然斯季孫之賜也我未之能易也元起易簪曾元曰夫子之病革矣不可以變幸而至於旦請敬易之曾子曰爾之愛我也不如彼君子之愛人也以德細人之愛人也以姑息吾何求哉吾得正而斃焉斯已矣舉扶而易之反席未安而沒簪簪也華書飾美好晄節目平瑩呼驚歎聲朱子曰季孫之賜曾子之受皆為非禮或者因仍習俗當有是事而未能正耳但及其疾病不可以變之時一聞人言必舉扶以易之則非大賢不能矣此事切要處正在此毫釐頃刻之間

### 閔子騫

諫留後母

孝損事實閔損為後母所苦冬月以蘆花

知之欲出後母損曰母在一子寒母去三子單遂止其後母亦悔待三子如一按此事亦見韓詩外傳

云服事致仕此公羊宣元閔子娶經而服毒既而曰若

蓋善之也三年喪已練除首經存娶經言古者不

敢斥君即近也善其服事外得事君之義致仕內不

失親親喪畢哀未忘家語子夏三年喪畢見於孔子

之恩與之琴使之弦侃侃而樂作而

曰先王制禮不敢不及子曰君子也閔子三年喪畢

見於孔子與之琴使之弦切切而悲作而曰先王制

禮弗敢過也子曰君子也子貢曰二者殊情而俱曰

君子何也子曰閔子哀未忘能斷之以禮子夏哀已

盡能引之及禮雖均之君子不亦可乎按詩素冠

篇毛傳亦載子夏閔子事略同而檀弓云子夏和之

而不和彈之而不成聲子張和之而和彈之而成聲

孔疏謂當以家語詩傳為正知者以子夏喪親無異

聞焉能使彈琴不成聲而閔鄒參色始見於夫子有

子則至孝之人也今錄家語

可謂古人也卷六聖賢第下閔子為

菜色後有芻豢之色子貢問曰子始有菜色今有芻  
 豢之色何也閔子曰吾出蒹葭之中入於夫子之門  
 夫子內切磋以孝外為之陳王法心竊樂之出見羽  
 蓋龍旂裘旃相隨心又樂之二者相攻胸中而不能  
 且是以有菜色也今被夫子之教淺淡又賴二三子  
 之切磋而進之內明於去就之義出見羽蓋龍旂裘  
 旃相隨視如壇土矣問政子曰以德以法夫德法者  
 是以有芻豢之色問政子曰以德以法夫德法者  
 御民之具猶御馬之有銜勒也善御馬正銜勒齊轡  
 策均馬力和馬心故口無聲而馬應轡策不舉而極  
 千里善御民壹其德法正其百官以均齊民力和安  
 民心故令不刊而民順從刑不刑而天下治按家  
 語言閔子為費宰而問政非也

冉伯牛

有惡疾

家語曰耕魯人字伯牛以德著  
著名有惡疾孔子曰命也夫

仲弓

父不肖

家語冉雍字仲弓伯牛之宗族  
生於不肖之父以德行著名

冉雍之行

又

貢曰在貧如客使其臣如借不遷怒不復怨不錄舊  
罪是冉雍之行也孔子論其材曰有土之君子也有  
衆使也有刑用問刑政又仲弓問於孔子曰雍聞至  
也然後稱恕焉問刑政又仲弓問於孔子曰雍聞至  
信乎子曰聖人之治化必刑政相參焉太上以德教  
民以禮齊之其次以政導民以刑禁之化之弗變導  
之弗從傷義以敗俗於是乎用刑矣

宰我

利口辯辭

〔史記〕宰予字子我利口辯辭〔又〕孔子曰吾欲以

顏色取人於滅明邪改之吾欲以言語取人於予邪

見言近類

〔備考〕宰予問君子尚辭乎孔子曰君子以

焉所聽也嘗使於楚昭王問之宰予曰切見夫子遊行

則樂其治不行則樂其身方今天下道德寢息恚欲

與而行之誠有欲治之君夫子固猶為之何必遽辱

君之貶他日歸以告夫子貢曰予之言行事之實

未盡夫子之美也夫子曰言貴實使人信之舍實何

稱乎賜之華不若予之實也又曰吾於予取其言之

近類也於賜取其言之切事也切事則足以懼之

問鬼神祭義宰我

也魄也者鬼之盛也合鬼與神教之至也

問五帝

德家語宰子問五帝之德及黃帝之  
年夫子告之既而曰子非其人也

# 子貢

有口才家語端木賜字子貢衛人  
既學於仲尼退而仕於衛廢著鬻財於曹魯之間

七十子之徒賜最為饒益原憲不厭糟糠匿於窮巷

子貢結駟連騎束帛之幣以賜序諸侯所至國君無

不分庭與之抗禮夫使孔子名布揚於天下者實

先後之也弟子傳子貢好廢肆與時轉貨資家

金廢著若猶居也廢肆猶廢著謂停賄也漢書作  
廢野與時轉貨資買賤問禮仲尼燕居仲尼燕居子  
貢貴也家語作轉化資問禮張子貢言游侍縱言莊  
於禮子曰汝三人者吾語女禮使女以禮周流無不  
備也子貢越席而對曰敢問何如子曰張而不申禮

四書口人其木  
宰我  
子貢



謂之野恭而不中禮謂之給勇而不中禮謂之逆子  
曰師爾過而商也不及于貢越席而對曰敢問將何  
以爲此中者也子曰禮問喪雜記于貢問喪子曰歌  
乎禮夫禮所以制中也問喪爲上哀次之瘠爲下顏  
色稱其情戚觀蜡又于貢觀於蜡孔子曰賜也樂乎  
客稱其服觀蜡對曰一國之人皆若狂賜未知其  
樂也子曰百日之蜡一口之澤非爾所知也張而不  
弛文武弗能也弛而不張文武弗爲也一弛一弛文  
武之道也若疑說驂說音脫禮曰孔子之術遇舊  
狂言飲酒醉其疑說驂館人之喪入而哭之哀出使  
于貢說驂而賻之于貢曰於門人之喪未有所說驂  
說驂於舊館無乃已重乎夫子曰予鄉者入而哭之  
遇於一哀而出涕予惡夫問宜歌樂記子贛見師乙  
涕之無從也小子行之問宜歌而問焉曰賜聞聲  
歌各有宜也如賜者宜何歌也師乙曰乙賤工也何  
是以問所宜請誦其所聞而吾子自執焉寬而靜柔

而正者宜歌頌廣大而靜疏達而信者宜歌大雅恭  
儉而好禮者宜歌小雅正直而靜廉而謙者宜歌風  
肆直而慈愛者宜歌商不譽仲尼（韋詩外傳齊景公  
溫良而能斷者宜歌齊不譽仲尼問仲尼其聖何如  
子貢對曰不知也賜終身戴天不知天之高也終身  
踐地不知地之厚也賜之事仲尼譬之渴操壺杓就  
江海而飲之滿腹而去又安知江海之淡乎（其公曰  
子得無太譽乎子貢曰賜何敢譽尚慮不及耳賜譽  
仲尼譬猶兩手捧土而附泰山其無益亦明矣說不  
使不譽仲尼譬猶兩手抱泰山其無損亦明矣說不  
若已（家語孔子曰吾死之後商也日益賜也日損商  
如入芝蘭之室久而不聞其香即與之俱化矣與不  
善人居如入鮑魚之肆久而不聞其臭亦與之俱化  
矣丹之所藏者赤漆之所藏者黑言而中（左定十五  
是以君子必慎其所與處者焉

來朝于貢觀焉邾子執玉高其容仰公受玉卑其容  
俯子貢曰以禮觀之二君者皆有死亡焉夫禮死生  
存亡之體也將左右周旋進退俯仰於是乎取之朝  
祀喪戎於是乎觀之今正月相朝而皆不度心已亡  
矣嘉事不體何以能久高仰驕也卑俯替也驕近亂  
替近疾君為主其先亡乎夏五月公薨仲尼曰賜不  
幸言而中是使賜多言者也哀七年  
**辭吳召**又哀七年公  
魯伐邾以邾子益來是近亂而亡也  
會吳于郕犬宰嚭召季康子康子使子貢辭犬宰嚭  
曰國君道長而大夫不出門此何禮也對曰豈以為  
禮良大國也大國不以禮命於諸侯苟不以禮豈可  
量也寡石既其命焉其老豈敢棄其國犬伯端委以  
治周禮仲雍嗣之斷髮文身巖以為飾豈  
禮也哉有由然也道長言長大於道路  
**相叔孫受**  
賜也又哀十一年戰于艾陵將戰吳子呼叔孫曰而事何  
賜也對曰從司馬王賜之甲劒鉞曰奉爾君事敬無

廢命叔孫未能對衛賜進曰州仇奉甲從君對尋盟而拜子貢衛人故稱衛賜州仇叔孫武叔對尋盟又哀十二公會吳于紫皋吳子使大宰嚭請尋盟公不欲使子貢對曰盟所以周信也故心以制之王帛以奉之言以結之明神以要之寡君以爲苟有盟焉弗可改也已若猶可改日盟何益今吾子曰必尋盟若可尋也亦可寒也乃不尋盟釋衛侯又吳徵會于于邱吳人藩衛侯之舍子服景伯謂子貢曰子盍見大宰乃請束錦以行語及衛故大宰嚭曰寡君願事衛君衛君之來也緩寡君思故將止之子貢曰衛君之來必謀於其衆或欲或否是以緩來其欲來者子之黨也其不欲來者子之讎也若執衛君是墮黨而崇讎也夫墮子者得其志矣且合諸侯而執衛君誰敢不思墮黨崇讎而思諸侯或者使齊歸成又哀十難以霜乎大宰嚭說乃舍衛侯

齊平子服景伯如齊子贗爲介見公孫成曰人皆臣  
人而有背人之心況齊人雖爲子役其有不貳乎子  
周公之孫也多饗大利猶思不義利不可得而喪宗  
國將焉用之成曰善哉吾不早聞命陳成子館客曰  
寡君使轅告曰寡人願事君如事衛君景伯揖子贗  
而進之曰寡君之願也昔晉人伐衛齊爲衛故伐晉  
冠氏喪車五百因與衛地自濟以西蘄嬭杏以南書  
社五百吳人加蔽邑以亂齊因其病取譴與闕寡君  
是以寒心若得視衛君之事君也則固所願也成子  
病之乃歸成公孫宿以其兵甲入于贏公孫成公  
孫宿也前年宿以成叛聞歌泰山檀弓孔子蚤作負  
人于齊病之病其言也聞歌泰山檀弓孔子蚤作負  
歌曰泰山其頽乎梁木其壞乎哲人其萎乎子貢聞  
之曰泰山其頽則吾將安仰梁木其壞哲人其萎則  
吾將安放夫子殆將病也譏誅詳孔論衛出公左哀二  
也蓬趨而人詳孔子譏誅詳孔論衛出公十六衛

出公自城鉏使以弓問子貢且曰昔其人乎子貢櫓  
首受弓對曰臣不識也私於使者曰昔成公孫于陳  
甯武子孫蒧子爲死濮之盟而君人今君再入獻公孫于齊子  
鮮于展爲夷儀之盟而君人今君再入孫矣內不聞  
獻之親外不聞成之卿則賜不識所由入也詩曰無  
競惟人四方其順之若得其人四方以爲主而國於  
何他日請念田封于貽上盟于平陽康子病之言及  
有子貢曰若在此吾不及此夫武伯曰然何不召曰固  
將召之文子曰他日請念城子恥從蠻夷盟因思  
子貢傳言季孫不能用了貢臨難而思之文子叔孫  
按左傳所載子貢事如此家語史記有一出存魯亂  
齊破吳疆晉霸越此戰國策上之談必無此事  
也今削之又家語子貢嘗爲信陽宰附議於此

冉有

省物勤已

家語子貢曰恭老卹幼不忘賓族好

將伯

高喪

檀弓伯高之喪孔氏之使者未至冉子攝束帛

乘馬而將之孔子曰異哉徒使我不誠於伯高

厚者攝貸也伯高非與孔子

將之判蓋先之以子夏又申之以冉

有使二子繼往欲觀楚之可仕否

謂康子必召仲尼康子立欲召之公之魚曰昔吾先

君用之不終為諸侯笑今又用之不能終是再為諸

侯笑曰然則誰召而可曰必召冉求於是使使召冉

求冉求將行孔子曰魯人召求非小用之將大用之

也

帥左師我及清季孫謂其宰冉求曰齊師在清必

魯故也若之何求曰一子守二子從公禦諸竟季孫

曰不能求曰居封疆之間季孫告二子二子不可求

曰若不可則君無出一子帥師背城而戰不屬者非  
魯人也魯之羣室衆於齊之兵車一室敵車優矣子  
何患焉二子之不欲戰也宜政在季氏當子之身齊  
人伐魯而不能戰子之恥也大不列於諸侯矣季孫  
使從於朝侯于黨氏之溝武叔呼而問戰焉對曰君  
子有遠慮小人何知懿子強問之對曰小大慮林而  
言量力而裁者也武叔曰是謂我不成丈夫也退而  
蒐乘孟孺子洩帥右師顏羽御邴洩爲右冉求帥左  
師管周父御樊遲爲右季孫曰須也弱有子曰就用  
命焉季氏之甲七千冉有以武城人三百爲己徒卒  
老幼守宮次于雩門之外五日右師從之師及齊師  
戰于郊師入齊軍右師奔齊人從之師獲甲首八十  
齊人不能師宵譟曰齊人遁冉有請從之三季孫弗  
許冉有用矛於齊師故能入其軍孔子曰義也慮  
材而言量力而共言子所問非己材力所及武叔知  
求非己不欲戰故不答師入齊軍求之師獲甲首亦



求所得義也言能以言召孔子史記冉求為季氏將義勇又詳孟之反康子曰子之於軍旅性之乎冉有曰學之於孔子康子曰孔子何如人曰用之有名播之百姓質之鬼神而無憾康子曰我欲召之可乎對曰欲召之母以小人閒之則可矣家語孔子在衛冉有言於季孫曰國有聖人而不能用欲以求治是猶卻步而欲求及前人季孫以告哀公使人以幣召孔子孔子反魯訪田賦左哀十一年季孫欲以田賦使冉有訪於仲尼仲尼曰邱不識也三發卒曰子為國老待子而行若之何子之不言也仲尼不對而私於冉有詳季康子弔景曹又哀二十卒季康子使冉有弔且送葬曰敝邑有社稷之事使肥與有執競焉是以不得助執紼使求從與人曰以肥之得備彌甥也有不腆先人之產馬使求薦諸夫人之宰具可以稱旌繁乎景曹宋景公母元公

人小邾女季桓子外祖母康子名彌達也康子父之舅氏故稱彌甥稱舉也繁鳥飾繁纓也

### 子路

初見

家語子路初見孔子曰汝何好對曰好長劍

路曰學豈有益也哉南山有竹不揉自直斬而用之達於屏草何學之有子曰括而羽之鏃而礪之其入之不亦深乎子路再拜曰敬受教又子路盛服見孔子子曰由是僂僂者何也夫江始出岷山其源可以濫觴及其至於江津不舫舟不避風則不可以逝非唯下流水多耶今爾衣服既盛顏色充盈天下孰肯以非告汝乎史記子路冠雄雞佩犢豚陵暴孔

不聞

史記孔子曰自吾得

傷貧

也生無以爲養死無

以爲禮也。孔子曰：啜菽飲水，盡其歡，斯之謂孝。斂首足形，還葬而無槨，稱其財，斯之謂禮。事親，家  
子路見於孔子，曰：負重涉遠，不擇地而趨，家貧親老，  
不擇祿而仕，昔由事二親之時，嘗食藜藿之實，爲親  
負米百里之外，親沒之後，南遊於楚，積粟萬鍾，聚茵  
而坐，列鼎而食，顧欲食藜藿，爲親負米，不可得也。子  
曰：由也，事親可謂生事，不除姊喪。檀弓：子路有姊之  
盡力死事，盡思者也。喪可以除之矣。而弗除也。孔  
子曰：先王制禮，行道之人，皆弗忍也。子路聞之，  
遂除笑。朝祥莫歌。又魯人有朝祥而莫歌者，子路笑  
之。三年之喪，亦已久矣。夫子路出，夫子曰：又多乎哉，踰  
月則其善也。祥，大祥也。又多乎哉，言自此去可歌  
之日。鼓琴，家語：子路鼓琴，孔子聞之，曰：甚矣。由之不  
無多。鼓琴，才也。夫先王之制音也，奏中聲以爲節，流

入於南不歸於北。夫南者，生育之鄉。北者，殺伐之城。故君子之音，溫柔居中，以養生育之氣，憂愁之感，不加於心。暴厲之動，不在於體。所謂治安之風也。小人之音，則不然。亢厲徵末，以象殺伐之氣，中和之感，不載於心。溫和不動，不存於體。乃所以為亂之風。昔舜彈五弦之琴，造南風之詩，曰：「南風之薰兮，可以解吾民之愠兮。」南風之時兮，可以阜吾民之財兮。唯修此化，故其興也勃焉。紂好為北鄙之聲，其廢也忽焉。由會無意於先王之制，而習亡國之聲，豈能保其六七尺之軀哉？子路懼自悔，靜思不食，以至骨立。子曰：「過而能改，其知禮。」禮祭，子路為季氏宰，季氏祭，逮闇而進矣乎？知禮祭，日不足繼之以燭，雖有強力之容，肅敬之心，皆倦怠矣。有司跋倚以臨祭，其為不敬大矣。他日祭，子路與室事交乎？尹堂事交乎？階質明而始行，正祭，事尸於室外，人將饌至，尹內人於戶受之。

既祭饋尸於堂堂下人送僕至階堂上人即階墮三

受之子路權禮之宜略煩文而全恭敬故善之

都之語孔子言於定公曰臣聞家不藏甲邑無百雉

三都之城今三家過制請損之使仲由為季氏宰將墮

孫氏成定公十二年事詳孔子去魯檀弓子路去

何以贈我曰吾聞之也去國則哭于墓而後行反其

國不哭展墓而入謂子路曰何以處我子路曰吾聞

之也過墓則式過祀則下顏淵治蒲三善家語子

為行者言之子路為居者言之

三年孔子過之入其境曰善哉而也恭敬以信矣入

其邑曰善哉由也忠信以寬矣至其庭曰善哉由也

明察以斷矣子貢執轡而問曰夫子未見由之政而

三稱其善可得聞乎子曰吾見其政矣入其境田疇

溢易草萊甚辟溝洫浚治此其恭敬以信故其民盡

力也人其邑牆屋完固樹木甚茂此其忠信以寬故

其民不偷也。至其庭，庭甚清閑，諸下用命。此其明察以斷故其政不擾也。以此觀之，雖三稱其孝，庸盡其美。

**辭娶小邾射**

音亦左哀十四小邾射以句繹來奔。

乎。辭，季康子使冉有謂之曰：「千乘之國，不信其盟，而信子之言，子何辱焉？」對曰：「魯有事於小邾，不敢問故，死其城下可也。彼不臣而濟其言，是義之也。由弗能射，小邾大夫句繹也，名子路，誠信，故欲得相與要誓而不須，謂陳瓘善辭。」又哀十五，齊陳瓘如楚，過衛，盟，濟成也。謂陳瓘善辭，仲由見之，曰：「天或者以陳氏為斧斤，既斷喪公室，而他人有之，不可知也。其使終饗之，亦不可知也。若善魯以待時，不亦可乎？何必惡焉？」子玉曰：「然吾受命矣。」子使告結縷死難之。豎渾良我弟冬及齊平。弟陳成子也。結縷死難之。豎渾良夫與大子朔墮人，迎孔悝強盟之，遂劫以登臺。樂寧聞亂，使告季子。季子將入，遇子羔將出，曰：「門已閉矣。」

季子曰：吾姑至焉。子羔曰：弗及不踐其難。季子曰：食焉不辟其難。子羔遂出。子路入及門。公孫敢門焉曰：無入爲也。季子曰：是公孫也。求利焉而逃其難，由不然，利其祿必救其患，有使者出，力入曰：犬子焉用孔悝？雖殺之，必或繼之。且曰：犬子無勇，若燔臺牛，必舍孔叔。犬子聞之，懼下，后乞孟縶蔽子路，以戈擊之，斷纓。子路曰：君子死，冠不免，結纓而死。孔子聞衛亂曰：柴也其來由也死矣。子路爲孔氏宰，食謂食其祿矣，遂命覆醢。子拜之，既哭，進使者而問故，使者曰：醢之。子路死，子曰：天祝予，祝斷也。

子游

假之行家語先成其慮及事而用之問夫子何歎禮運

昔者仲尼與於蜡賓事畢出遊於觀之上喟然而歎  
仲尼之歎蓋歎魯也言偃在側曰君子何歎孔子曰  
大道之行也與三代之英邈未聞禮又言偃復問曰  
之述也而有志焉英謂英賢也禮如此乎禮之急  
也孔子曰夫禮先王以承天之道以治人之情故失  
之者死得之者生是故夫禮必本於天殺於地列於  
鬼神達於喪祭射御冠昏朝聘故聖人以禮示之故  
天下國家可得而正也言偃復問曰夫子之極言禮  
也可得而聞與孔子曰我欲觀夏道是故之杞而  
不足徵也吾得坤乾焉坤乾之義夏時之等吾以是觀之  
徵也吾得坤乾焉坤乾之義夏時之等吾以是觀之  
燕居言游曰敢問禮也者何猶云釋曰增美賢問舍孫立  
與子曰然頤惡全好猶云釋曰增美賢問舍孫立  
子亦猶行古之道也昔者文王舍伯邑考而立武



王微子舍其孫而立衍也子游問諸孔子曰否立孫適子死立適孫為後禮也問喪具

又子游問喪具夫子曰稱家之有亡子游曰有亡惡乎齊夫子曰有世過禮苟亡矣斂手足形還葬縣棺

而封人豈有非之者哉惡楊裘弔又曾子襲裘而弔曾子指子游而示人曰夫夫也為習於禮者如之

何其楊裘而弔也主人既小斂袒括髮子游趨而出襲裘帶經而入曾子曰我過矣我過矣夫夫是也

喪禮主人未變服弔者吉服楊裘既變服襲裘加經於吉冠曾子徒知喪事弔司徒又衛司徒敬子死

為凶不知始死猶從吉弔司徒又子夏弔焉主人未小斂經而往子游弔焉主人既小斂子游出經反哭

子夏曰聞之也與曰聞諸夫子主人未改服則不經

服譏文子

又司寇惠子之喪與彌牟之弟游又辱為之

服敢辭子游曰禮也文子退反哭子游趨而就諸臣  
之位文子又辭曰子辱與彌牟之弟游又辱為之服  
又辱臨其喪敢辭子游曰固以請文子退扶適二南  
而面立曰子辱與彌牟之弟游又辱為之服又辱臨  
其喪虎也敢不復位子游趨而就客位惠子倚文  
子彌牟之弟惠子廢適子游趨而就客位惠子倚文  
禮之服又就家論奠方又小饌之奠子游曰於東方  
臣之位以譏之論奠方又小饌之奠子游曰於東方  
饌之奠在西方魯禮之末失也儀禮小饌之奠設  
於尸東奠又無席曾子為時如此將以為禮記者正  
之論喪踊又有子與子游立見孺子慕者有子謂子  
矣情在於斯其是也夫子游曰禮有微情者有以故  
與物者有直情而徑行者戎狄之道也禮道則不然  
人喜則斯陶陶斯咏咏斯猶猶斯舞舞斯愔愔斯戚  
戚斯歎歎斯辟辟斯踊矣品節斯斯之謂禮人死斯  
子游

惡之矣。無能也。斯倍之矣。是故制絞衾。設褊屨。爲使人勿惡也。始死。脯醢之奠。將行。遷而行之。旣葬。而食之。未見其饗之者也。自前世以來。未之有舍也。爲使人勿倍也。故子之所刺於禮者。亦非禮之訾也。有子言哀情之在於此。踊亦如此。孺子之慕欲去之。子游言制禮酌人情而爲之。節文微情者。殺其太過。以故與物者。不使其不及。若直情徑行。則非中國禮義之道。猶讀爲搖動。搖身體也。舞斯慍。哀樂相生也。皆同。斃以禮許人。又司士黃告於子游曰。請襲於牀。病也。子游曰。諾。縣子聞之曰。汰哉叔氏。專以禮許人。禮襲尸當於牀。子游不稱禮而專言。輒許。諸如禮自己出。汰識其務大。叔氏子游別字。言大功。又公叔木有同母異父之昆弟死。問於子游。子游曰。其大功受。欲儀有同母異父之昆弟死。問於子夏。子夏曰。我未之前聞也。魯人則爲之齊衰。言親兄弟期同母異父者。當降大功。子游是也。

出祖

又會子弔於負夏主人既祖塋池推柩而反之

且也且胡為其不可以反宿也從者曰禮與曾子曰夫祖者

禮與子游曰飯於牖下小斂於戶內大斂於阼殯於

客位祖於庭葬於墓所以即遠也故喪事有進而無

遇曾子聞之曰多矣乎子出祖者祖為柩祖行也

池棺飾也主人榮曾子之弔已祖鎮定棺飾復推柩

而反以受弔子游言喪事一節遠於一節豈可推柩

而反會子始悟其非言言文氏中禮又將軍文子之

子游所說出祖勝於我言文氏中禮喪既除喪而後

越人來弔主人渼衣練冠待於廟垂涕洟子游觀之

曰將軍文氏之子其庶幾乎亡於禮者之禮也其動

也中無此禮而為擯由左又子游有若之喪悼公弔為

之禮其舉動皆中節擯由左子游擯由左時相禮

者多由右知夫子有為言又子游曰死之欲速朽為

子游正之知夫子有為言桓司馬言之也喪之欲速

子游

貧為敬叔言之  
**學得菁華**  
朱子子游祠堂記吳公豪

也詳有若  
華者耶  
子游吳人

**子夏**

**習於詩**

家語卜商習於詩能誦其義以文學著名  
詠

**先王**

韓詩外傳子夏讀詩已畢孔子問曰爾亦何大  
於詩也對曰詩之於事也昭乎若日月燦乎如

星辰上有堯舜之道下有三王之義雖居蓬戶之中

彈琴以詠先王之風亦可以發憤忘食矣子曰商也

始可與言詩已矣然吾

**讀書**

尚書大傳子夏讀書畢

見其表未見其裏也

昭如日月之代明離離如星辰之錯行

問五至三無

商所受於夫子者置之於心不敢忘也

孔子閒居子夏曰敢問詩云凱弟君子民之父母何如斯可謂民之父母矣孔子曰夫民之父母乎必達於禮樂之原以致五至而行三無此之謂民之父母矣子夏曰敢問何謂五至孔子曰志之所至詩亦至焉詩之所至禮亦至焉禮之所至樂亦至焉樂之所至哀亦至焉哀樂相生是故正明目而視之不可得而見也傾耳而聽之不可得而聞也志氣塞乎天地此之謂五至子夏曰敢問何謂三無孔子曰無聲之樂無體之禮無服之喪此之謂三無子夏曰敢問何詩近之孔子曰夙夜其命宥密無聲之樂也威儀逮逮不可選也無體之禮也凡民有喪旬綯救之無服之喪也參於天地敢問何如斯可謂參天地矣孔子曰奉三無私以勞天下天無私覆地無私載日月無私照奉斯三者以勞天下

### 聞損益

家語孔子讀易至於損益

此之謂三無私

喟然而嘆子夏避席而問

曰夫子何嘆子曰夫自損者必有益之自益者必有  
缺之吾是以嘆也子夏曰然則學者不可以益乎子  
曰非道益之謂也道彌益而身彌損夫學者損其自  
多以虛受人故能成其滿博哉天道大而必變凡持  
滿而能久者未嘗有也子夏義勝肥關里志子夏家  
貧衣若懸鵠及  
見商請志之而終身奉之  
榮之出見富貴又榮之榮之出見富貴又榮之兩者未知勝負故懼今先王  
之義勝與賢已者處詳子恠於財家語孔子將行兩  
而無蓋門人曰商  
故肥  
也有之孔子曰商之為人也甚恠於財吾馬鬣封權  
聞與人交推其長者違其短者故能久也  
孔子之喪有自燕來觀者舍於子夏氏子夏曰聖人  
之葬人與人之葬聖人也子何觀焉昔者夫子言之  
曰吾見封之若堂者矣見若坊者矣見若覆夏屋者  
矣見若斧者矣從若斧者焉馬鬣封之謂也今一日

而三斬板而已封尚行夫子之志乎哉封樂上受

# 業西河

史記自孔子卒後七十子之徒散游諸侯大

見故子路居衛子張居陳濬臺子羽居楚子夏居西

河子貢終於齊如田子方段干木吳起禽滑釐之屬

皆受業於子夏之倫為王者論樂樂記魏文侯問於

師又魏文侯受子夏經藝子夏曰吾端冕而

聽古樂則唯恐臥聽鄭衛之音則不知倦敢問古樂

之如彼何也新樂之如此何也子夏對曰今夫古樂

進旅退旅和正以廣弦匏笙簧會守拊鼓始奏以文

復亂以武治亂以相訊疾以雅君子於是語於是道

古脩身及家平均天下此古樂之發也今夫新樂進

俯退俯姦聲以濫溺而不正及優侏僂雜子女不

知父子樂終不可以語不可以道古此新樂之發也

今君之所問者樂也所好者音也夫樂者與音相近



而不同夫古者天地順而四時當民有德而五穀昌  
疾疢不作而無妖祥此之謂大當然後聖人作為父  
子君臣以為紀綱紀綱既正天下大定天下大定然  
後正六律和五聲歌詩頌此之謂德音德音之謂  
樂今君之所好者其溺音乎文侯曰政問溺音何從  
出也對曰鄭音好濫淫志宋音燕女溺志衛音趨數  
煩志齊音滢辟喬志此四者皆淫喪服傳儀禮喪服  
疏傳者不  
於色而害於德是以祭祀弗用也喪服傳儀禮喪服  
疏傳者不  
知誰人所作人皆云子夏所為案公羊高是子夏弟  
子其傳有云者何何以易為孰謂之等今此傳亦有  
之必為子辨三豕家語下簡衛人嘗返衛見讀史志  
夏作也辨三豕者云晉師伐秦三豕渡河子夏曰  
非也豕亥耳讀史志者問諸晉史果曰已亥於是衛  
以子夏為聖孔子卒後教於西河之上魏文侯師事  
之尚諱喪子喪明輶馬子夏喪其子而喪其明曾子  
國政焉喪子喪明明之曰吾聞之也朋友喪明則矣

之曾子哭子夏亦哭曰天乎子之無罪也曾子怒曰  
商女何無罪也吾與女事夫子於洙泗之間邇而老  
於西河之上使西河之民疑女於夫子爾罪一也喪  
爾親使民未有臨焉爾罪二也喪爾子喪爾明爾罪  
三也而曰爾何無罪與子夏投其杖而拜曰吾過矣  
吾過矣吾離羣而索居亦已久矣人疑夫子夏使  
無與子夏石室水經注西河有石室子夏讀書處

### 子張

資質寬冲

家語顏孫師為人容貌資質寬冲博接從容自務居不務立於仁義之行孔子門

人友之

除喪而見

禮記子張既除喪而見予之哭和

而弗敬

制禮不敢

仲尼燕居子張問政子曰師乎前吾

不至焉

問政

語安乎君子明於禮樂舉而錯之而

子張

子夏

子張

已子張復問子曰師爾以為必鋪几筵升降酌獻酬酢然後謂之禮乎爾以為必行綴兆與羽籥作鐘鼓然後謂之樂乎言而履之禮也行而樂之樂也君子力此二者以南面而立夫是以天下太平也

信庶幾檀弓子曰張病召中祥而語之曰君子曰終小人曰死吾今日其庶幾乎

又子張死曾子有母之喪齊衰而往哭之曰我弔也與哉

有若

言似夫子

檀弓有子問於曾子曰問喪於夫子乎曰

君子之言也曾子曰參也聞諸夫子也有子又曰是非君子之言也曾子曰參也與子游聞之有子曰然非君子之言也曾子曰參也與子游聞之有子曰然則夫子有為言之也曾子曰以斯言告於子游子游曰甚哉有子之言似夫子也昔者夫子居於宋見桓

司馬自爲石椁三年而不成夫子曰若是其靡也死  
不如速朽之愈也死之欲速朽爲桓司馬言之也南  
宮敬叔反必載寶而朝夫子曰若是其貨也喪不如  
速貧之愈也喪之欲速貧爲敬叔言之也會子以子  
游之言告於有子曰然吾固曰非夫子之言也  
曾子曰子何以知之有子曰夫子制於中都四寸之  
棺五寸之槨以斯知不欲速朽也昔者夫子失魯司  
寇將之荆蓋先之以子夏又申之以冉有以斯知不  
欲速貧也○  
既祥變吉  
又有子蓋既祥而絲屨組纓  
喪失位也  
爲冠纓皆譏其變吉之速然蓋  
者疑辭恐記者亦是得於傳聞  
去之矣情杜於斯其是也夫  
知禮  
詳安與三百人  
左哀八吳伐我舍子庚宗遂次  
平仲與三百人  
于洲上微虎欲宵攻王舍私屬

子張有若

徒七百人三踊于幕庭卒三百人有若與焉及稷門之內或謂季孫曰不足以害吳而多殺國士不如已也乃止之吳子聞之一夕三遷微虎魯大夫於帳前設格令士試躍之卒終也終得三百人有若與在三百人中○附辯按子夏諸人欲以所事孔子事之而曾子不可其事當止矣史記謂相與共立為師他日以月宿畢不雨商瞿有五子事問有若有若無以應弟子此避席其事誕妄今不載

南容

以智自持家語南宮縚以智自持世清不廢世濁不

南宮縚之為蒯叔非也史記南宮縚字子容初未嘗言是蒯縚子之子孟懿子之兄也而索隱註遽云是蒯縚子之子仲孫閱論語註遽云諡敬叔孟懿子之兄史無其文可疑一廷見家語一名縚是已有二名

矣而左傳名說索隱又云仲孫閱豈一人而四名可  
疑二孔子在魯族姓頗微南宮敬叔公族元士遣從  
孔子時定己娶強家豈孔子得以兄子妻之可疑三  
禮記載南宮敬叔反必載寶而錮若而人豈能抑權  
力而仲有德謹言語而不廢於有道之邦可  
疑四此說有理凡舊引南宮敬叔事今皆削

### 子賤

爲單父宰

說苑子賤爲單父宰辭於孔子孔子曰母

則閉塞子賤曰敢不承命濱行過於陽晝曰子亦有  
以送僕乎陽晝曰有釣道二焉請以送子夫投綸錯  
餌迎而吸之者陽鱗也其爲魚也薄而不美若打若  
亡若食若不食者魴也其爲魚也薄而厚味子賤曰  
善於是未至單父冠蓋迎之者交接於道子賤曰車  
驅之車驅之陽晝之所謂陽鱗者至矣於是至單父

請其耆老賢者而與之共治父事兄事友事師事又孔子謂子賤

衆悅何施而得之也對曰不齊父其父子其子恤諸

孤而哀喪紀孔子曰是小民附矣猶未也曰不齊所

父事者三人所以教孝矣兄事五人所以教弟矣友

事十二人所以教學矣是士附矣猶未也曰此地有

賢於不齊者五人不齊師之而稟度焉孔子曰昔堯

舜聽天下務求賢以自輔夫賢者百福之宗鳴琴而

也神明之主也惜乎不齊之所治者邑也

治則亦宰單父以星出以星入日夜不處以身親之

而單父亦治巫馬問於子賤子賤曰吾任人于任

力任人者佚任力者勞人謂子賤則君子矣巫馬期

勞力教誨雖百姓不忍欺家語宓不齊爲單父宰有

治猶未至也

百姓不忍欺

才智仁愛百姓不忍欺孔

子大引善書時說苑子賤受單父之命辭魯君因請  
之借善書者二人至單父使書子賤從  
旁引其肘書魄則怒之欲好書則又引之書者患之  
請辭去歸以告魯君魯君曰子賤苦吾擾之使不得  
施其善政也乃命有司無得擅  
徵發單父子賤由是得行己志

### 原思

貧非病

莊子原憲居魯環堵之室茨以生草蓬戶不

完桑以為樞而甕牖二室褐以為塞上漏下  
淫匡坐而弦子貢乘大馬中紺而表素軒車不容巷  
往見原憲原憲華冠紱履杖藜而應門子貢曰嘻何  
病原憲曰憲聞之無財謂之貧學而不能行謂之病  
今憲貧也非病也子貢逡巡而有愧色一說華冠  
作楮冠應門下有正冠則纓  
絕振襟則別見納履則踵決  
**不苟合當世**  
史記季次原憲問卷



人也讀書懷獨行君子之德義不苟合當世當世亦笑之故季次原憲終身空室蓬戶褐衣蔬食不厭季次孔子弟子公皙哀

子羔

高柴之行家語自見孔子出入於戶未嘗越禮往來

之喪未嘗見齒是高柴之行也孔子曰柴於親喪則難能也啓蟄不殺則順人道方長不折則恕仁也

執親喪檀弓高子魯之執親之喪也泣為成宰又成

其兄死而不為喪者聞子皋將為成宰遂為衰成人

曰蠶則績而蟹有匡范則冠而蟬有綏兄則死而子皋為之衰蟹背殼似匡范蜂也蟹之匡非為蠶績蟬之綏非為范冠以喻成人之服衰非為兄而為子

舉也。又季子舉葬其妻，犯人之禾，申詳以告曰：「請炭  
之子。」舉曰：「孟氏不以是罪予，朋友不以是棄予，以吾  
爲邑長於斯也，買道而葬，後難繼也。」庚，償也。買道  
而葬，恐後爲例，難爲繼，此亦愚而過慮之一端。然出  
於誠心，非文飾之辭也。按爲政有體，不爲小。**對食祿**  
仁，不償，正爲得體。舊註謂恃寵虐民者過矣。**對食祿**  
難記。哀公問子羔曰：「子之食奚當？」對曰：「文公之下執  
事也。」問其先人始食祿，當何君？時文公至，哀公七  
君，**不徑不質**。家語：季羔爲衛士，帥州人之足，俄而衛  
有蒯瞶之亂，季羔逃之，走郭門。蒯者，  
門焉。謂季羔曰：「彼有缺。」季羔曰：「君子不踰。」又曰：「彼有  
竇。」季羔曰：「君子不隧。」又曰：「於此有室。」季羔乃入焉。既  
而追者罷，季羔將去，謂蒯者曰：「吾不能虧主之法，而  
親蒯子之足，今吾在難，正子報怨之時，而逃我者，三  
何故？」蒯者曰：「斷足固我之罪，曩者君治臣以法，臨當  
論刑，愀然不樂。君豈私臣哉？」此臣之所以悅君也。孔

子聞之曰善哉爲吏其用法一也思仁恕則  
樹德加嚴暴則樹怨公以行之其子羔乎  
避難左  
十五衛蒯瞶人迫孔悝季子將入過子羔將出曰門  
已閉矣季子曰吾姑至焉子羔曰弗及不踐其難季  
子曰食焉不辟其難子羔遂出孔  
子聞衛亂曰柴也其來由也死矣

### 曾皙

倚門而歌

檀弓季武子寢疾及其喪也曾點倚其門  
而歌按季武子卒於昭公七年是時孔

子十八歲論語序曾皙在子路後子路少孔子九歲  
則是時曾皙尚未及十歲豈有倚門而歌之事豈記  
者之失與抑有此事  
杖擊曾參  
詳曾  
而非季武子卒與

### 顏路

父學闕里

家語顏由字子路四之父也孔子始教於闕里而受學焉少孔子六歲

漆雕開

不樂仕

家語漆雕開字子若習尚書不樂仕漆雕馬別是一人俗本備考引入誤甚

按

公西華

閑賓主儀

家語公西赤魯人束帶立朝閑賓主之儀

篤雅有節

又齊莊而能肅志逆

而好禮賓相兩君之事篤雅有節是公西赤之行也子曰禮經三百可勉能也威儀三千則難也亦問何謂也子曰貌以備禮禮以備辭是謂難焉謂門人曰二三子欲學賓客之禮者其於赤也觀容貌而備相其禮度其禮志孔子喪

檀弓孔子之喪公西赤為志焉飾棺牆置製設披周

也設崇殷也綢繆設旒夏也亦以飾棺榮夫子故  
為盛禮備三王之法以章明志識焉既尊崇夫子故  
兼用三代之飾也

### 樊遲

三刻踰溝

左哀十一年齊師伐我及清毋求帥左師管

就用命焉師及齊師戰于郊齊師自稷曲師不踰溝  
樊遲曰非不能也不信子也請三刻而踰之如之眾  
從之師人齊軍弱年少也雖年少能用命  
與眾三刻約信如樊遲言乃踰溝詳毋有

### 澹臺滅明

行不勝貌

有文雅之辭而智不充其辨孔子曰以

容取人則失之子羽以言取人則失之宰予又有君  
子之姿孔子嘗以容貌望其才其才不充孔子之望  
然其為人公正無私以取與去就為名史記狀貌甚  
惡欲事孔子孔子以為材薄既已受業退而脩行孔  
子曰以貌取人失之子羽索隱曰家語言子羽有  
君子之容而此言狀貌甚惡則以子羽形陋也正與  
家語相反按常澹臺之行家語貴之不喜賤之不怒  
以家語為是苟利於民矣兼於行己此  
澹臺子羽父好王犯左哀八吳伐魯從武城克之王  
之行也犯嘗為之宰澹臺子羽之父好  
焉國人懼王犯吳大夫故嘗奔魯為武城宰澹  
子羽武城人其父與王犯相善國人懼其為內應

### 公冶長

能忍恥

家語忍恥

公冶長為人能

辯鳥語

論語疏公冶長辨鳥語按

鳥語如介葛盧之知牛鳴容或有之疏引啗啗嘖嘖之說不足信他書言雀呼得羊致訟繫獄齊人出師諸說尤俚俗今不錄

巫馬期

宰單父說苑子賤宰單父鳴琴而治巫馬期亦宰單父以星出以星入日夜不處以身親之而單

父亦治。  
詳子賤

司馬牛

適齊適吳左哀十四宋向魋入于曹以叛使左師巢伐之向魋奔衛向巢來奔司馬牛致其邑

與珪焉而適齊向魋出於衛地公文氏攻之奔齊陳成子使為次卿司馬牛又致其邑焉而適吳吳人惡

之而反趙簡子召之陳成子亦召之卒於魯郭門之外  
阮氏葬諸邱與牛桓魋弟珪守邑符信阮氏魯人錄其卒葬所  
在慰賢者失所

### 琴張

弔宗魯

左昭二十衛齊豹北宮喜偕師圃公子朝作亂初齊豹見宗魯於公孟為驂乘焉將作亂

而謂之曰公孟之不善于所知也勿與乘吾將殺之對曰吾由子事公孟子假吾名為故不吾遠也雖其不善吾亦知之抑以利害故不能去是吾過也今聞難而逃是僭子也子行事乎吾將死之以周事子而歸死於公孟其可也公孟有事於蓋獲之門外宗魯驂乘齊氏則戈擊公孟宗魯以背蔽之斷肱以甲公孟之溺皆殺之琴張聞宗魯死將往弔之仲尼曰齊豹盜而孟繫之賊女何弔焉君子不食姦不受亂不



為利疾於回不以回待人。不蓋不義，不犯非禮。公孟衛侯之兄，繫言齊豹所以為盜，孟繫所以見賊，皆由宗。臨尸而歌，莊子子桑戶孟子反子琴張三人相魯。無相為三人相視而笑，莫逆於心，遂相與友。莫然有開而子桑戶死，孔子問之，使子貢往待事焉。或編曲或鼓琴，相和而歌曰：「嗟來桑戶乎！嗟來桑戶乎！而已反其真，而我猶為人。」猗子貢趨而進曰：「敢問臨尸而歌，禮乎？」二人相視而笑曰：「是無知禮意。」按莊子寓言未必實，然琴張狂士，或有此意。

鯉

賜鯉

家語伯魚之生也，魯昭公以鯉魚賜，期而猶哭。

檀弓伯魚之母死，期而猶哭。夫子聞之曰：「誰與哭者？」門人曰：「鯉也。」夫子曰：「噫，其甚也。」伯魚聞之，遂除之。

伯魚之母出而死父在為母期而有禫出母則無禫  
伯魚乃夫子為後之子則於禮無服期可無哭矣猶  
哭夫子所以歎其甚

## 陳亢

止殉葬

檀弓陳子車死於衛其妻與其家大夫謀以

於下請以殉葬子亢曰以殉葬非禮也雖然則彼疾  
當養者孰若妻與宰得已則吾欲已不得已則吾欲  
以二子者之為之也於是弗果用

## 子思

必誠必信

檀弓子思曰喪三日而殯凡附於身者必  
誠必信勿之有悔焉耳矣三月而葬凡附

於棺者必誠必信勿之有悔焉耳矣**執親喪**又曾子謂子思曰倂吾執

者七日子思曰先王之制禮也過之者俯而就之不

至焉者跂而及之故君子之執親之喪也水漿不入

於口者三日**母喪**又子思之母死於衛赴於子思子

杖而后能起何為哭於孔氏之廟乎子思曰吾過矣吾過矣遂哭

於他室伯魚卒其妻嫁於衛之庶氏嫁母與廟絕

族故不得哭之於廟又子思之母死於衛柳若謂子

思曰子聖人之後也四方於子乎觀禮子蓋慎諸子

**喪出母**

又子之上之母死而不喪門人問諸子思曰昔

也喪之何也子思曰昔者吾先君子無所失道道隆

則從而隆道污則從而污倂則安能為倂也妻者是

爲白也。母不爲倣也。妻者是不爲白也。母故孔氏之  
不喪出母。自子思始也。子上之母。子思出妻也。按  
先君子謂孔子。孔子父先娶施氏。無子而出。施氏卒  
孔子雖爲父後。猶爲之服。從隆也。伯魚之母。并官氏  
未嘗出。舊說謂伯  
魚喪出母。誤矣。**諭舊君反服**。又穆公問於子思曰。  
思曰。古之君子。進人以禮。退人以禮。故有舊君反服  
之禮也。今之君子。進人若將加諸膝。退人若將隊諸  
淵。毋爲戎首。不亦善乎。**言魯可興**。孔叢子。穆公問于  
又何反服之禮之有。**言魯可興**。思曰。吾國可興乎。  
子思曰。可。苟君與大夫慕周公伯禽之治。行其政化。  
開公家之惠。杜私門之利。結恩百姓。脩禮鄰國。其與  
也。勃**言苟變**。又子思言苟變於衛侯曰。其利可將。五  
矣。賦於民而食人二雞子。以故弗用也。子思曰。夫聖  
人之官人。猶匠之用木也。杞梓連抱而有數尺之朽。

子思

良工不棄今君以二卵棄千國事曰非又衛君言計  
城之將不可使聞於鄰國也非是而羣臣  
和者如出一口子思曰君之國事將日非矣君出言  
皆自以為是而卿大夫莫敢矯其非卿大夫出言亦  
自以為是而士庶人莫敢矯其非君臣既自賢矣而  
羣下糾聲賢之賢之則順而有福矯之則逆而有禍  
如此則善安從生詩曰其曰子聖誰  
知鳥之雌雄抑亦似衛之君臣乎

### 泄柳

不家於喪檀弓子柳之母死子碩請具子柳曰何以

其劑人之母以葬其母也不可既葬子碩欲以樽布  
之餘其祭器子柳曰不可吾聞之也君子不家於喪  
請班諸兄弟之貧者子碩子柳弟說苑  
其謂喪其何以哉言無其財布錢也閨門不納  
繆公

闕子柳賢往見之手柳閉門不納或曰子以匹夫而枉國君之駕何若是哉子柳曰吾聞君子道行則樂其治不行則樂其身天下誠有欲治之君能行其道則雖徒步以朝固猶爲之不然徒徼國君之榮也

### 申詳

子張召詔

詳子張

請償禾

詳子張

謝公叔成

孔叢子衛公叔成奔魯謂

申詳曰吾於子思親而敬之子思未吾察也申詳以告曰人求親於子子何辱焉子思曰公叔氏之子愛人之同己慢而不知賢夫其親敬非心見吾所可親敬也以人口而親敬吾則亦以人口而疏慢吾矣申詳曰其不知賢奈何曰有龍穆之徒好飾弄辭說觀於坐席相人眉睫以爲之意天下之淺人也而公叔子交之橋子良脩實而不脩名爲善不求人知不挫不發如大鐘然天下之深人也而公叔子與之同邑

子思

泚柳

申詳

而弗能知此其所以爲愛同也而不知賢也申詳曰  
吾乃今知公叔子同而不和誠小人之驕者也遂謝  
之按公叔戌奔魯在定公十四年是時子思  
宜幼其親敬子思豈居魯既久之事與姑錄之

### 段干木

軾問

呂氏春秋段干木晉之駟儉也學於卜子夏子

賢過其間則軾之其僕曰君胡爲軾曰此非段干木  
之聞與段干木蓋賢者也吾安得不軾且吾聞段干  
木未嘗肯以己見寡人也吾安敢驕之段干木光乎  
德寡人光乎地段干木富乎義寡人富乎財其僕曰  
然則君何不相之於是請相之段干

**倦不敢息**

又文侯往

木不肯愛駟儉會合交易者也  
見段干木段干木避之文侯立倦而不敢息反見翟  
璠歸於堂而與之語翟璠不悅文侯曰段干木官之

則不肯祿之則不受今汝欲官則相師事史記魏成位欲祿則上卿又責吾禮無乃難乎子夏田子方段干木此三人者文侯皆師之

### 公明儀

為志

檀弓子張之喪公明儀為志焉褚幕丹質蟻結於四隅殷士也志識也此殷禮士葬飾儀欲

尊其問孝

祭義公明儀問於曾子曰夫子可以為孝師也乎曾子曰是何言與是何言與詳曾子

按儀蓋師子張後師曾子也

### 曾元

辭易簣

檀弓曾子寢疾病童子曰華而晄大夫之簣與曾子曰元起易簣曾元曰夫子之病革矣



不可以及變幸而至於且請敬易之曾子曰爾之愛我也以姑  
也不如彼君子之愛人也以德細人之愛人也以姑  
息語曾元曾子寢疾曾元持足曾子曰元志之  
中鷹鷂猶以山為卑而巢其上及其得也必以餌故  
君子苟能無以利害義則恥辱亦無由至矣天戴禮  
曾子寢疾曾元抑首曾華抱足曾子曰官息於  
官成病加於小愈禍生於懈怠孝衰於妻子

### 曾西

傳詩備考經典次錄曾申字子西曾子之子子夏以  
以曾西為曾子之孫然春秋時名申者  
多字子西宜為曾子之子曾申之字

### 孟子

母教子

列女傳孟軻之母其舍近墓孟子之少也姑戲為墓間之事踊躍築埋孟母曰此非所以

居子也乃去舍市共嬉戲為買衍孟母曰此非所以居子也乃徙舍學宮之旁其嬉戲乃設俎豆揖讓進退孟母曰此真可以教子矣遂居之幼時問東家殺豬何為母曰欲啖汝既而悔曰吾聞古者胎教今適有知而欺之是教之不信乃買豬肉以食之稍長就學而歸母方績問曰學何所至矣軻曰自若也母以刀斷織曰汝之廢學若吾斷斯織矣軻懼且夕勤學不息按孟子與子思年不相接故曰予私淑諸人謂子思之徒孔叢子有見子至梁史記魏世家惠思問答數章非事實今不錄敗於軍旅卑禮厚幣以招賢故孟軻至梁按惠王三十五年周顯王三十三年乙酉也然孟子至梁非在此年竹書紀年魏惠成王三十六年丙戌改元稱一年是後又十七年當周慎觀王之二年壬寅而梁

次年乃爲今王元年。今王者襄王也。竹書出魏襄王  
冢，故稱今王。史記不知惠王有改元事，誤以後元之  
年繫之於襄王。襄王之後爲哀王，哀王乃襄王之誤  
耳。魏實無哀王也。然則孟子至梁當在惠王後元十  
六年。當愼觀王元年辛丑，次年惠王卒，襄王立。  
一見而卽去耳。惠王所以改元之故，說見惠王。  
史記孟軻傳道：「既通游事齊宣王，宣王不能用。」  
適梁。梁惠王不果所言，則見以爲迂遠而關於事情。  
孟子實先至梁，而後至齊。觀其本書可見。去梁在襄  
王初立之年壬寅，適齊當在其後。至周赧王元年丁  
未，齊有伐燕之事。通鑑謂在宣王十九年者，是也。史  
記謂戰燕在湣王十年與孟子及戰國策皆不合。誤  
矣。蓋史記齊威王宣王湣王之年皆有誤。宣王侵  
威王之年，湣王侵宣王之年，故誤謂孟子先游齊。  
攻

王邪心

孟子三見齊王而不

擁楹而嘆

列女傳  
孟子處

齊有憂色。擁篲而嘆。孟母見之。曰。何也。對曰。軻聞之。君子稱身而正位。不爲苟得。而受賞不貪榮祿。今道不用於齊。願行而母老。是以憂也。孟母曰。婦人之禮。精五飯。霽酒漿。養舅姑。縫衣裳而已。故有閭內之脩。而無境外之志。無專制之義。而有三從之道。故年少則從父母。出嫁則從夫。夫死則從子。禮也。今子成人也。而我老矣。子行乎。子義。作七篇。史記當是時秦用吾行乎。吾禮子何憂乎。魏用吳起。戰勝弱敵。齊威王宣王用孫子。田忌之徒。而諸侯東面朝齊。天下方務於合從連衡。以攻伐爲賢。而孟軻乃述唐虞三代之德。是以所如者不合。過而與萬章之徒。序詩書。述仲尼之意。作孟子七篇。

## 四書古人典林卷之六